

卷之五

東村集卷三

霑化李呈祥吉津甫著

游中山草

唐人無一言不喻於情宋人無一言不喻於理宋人俳相如癖元凱後之人高睨三唐又從而學究宋人殆眇之能視者乎獨吉津先生悠然會心於此有四目之明丁未庚戌甲寅三過唐水與之娛未嘗不歡與之悲未嘗不痛柔淡深雅偶或寓之於詩漱晚唐之風味挹盛宋之高明自成一家言顧無一語不喻於情無一語不喻於理近代中幾

東坡集卷三
於弇州新建然後知左右逢源之爲大而交相爲
瘡者之爲誤也不然豈有數百年學士大夫狂於
雕蟲爭註一杜集至千萬家盡仰爲宗工大雅有
稍稍探聖人之學者輒唾爲腐物不可近是何異
今之君子以千金聘侏儒師至爲弟子呼西席雖
錙銖而猶難哉中山復陽郝浴謹題

丁未三月三日郝復陽至平定出藏山廟詩見示

用原韻爲贈

茲晤乃青春昔別爲暑夏遼海還西來太行自東下所
見非故吾白髮知速化彈指忽三年壯顏寧久借爲問
昔同遊尚存幾鄰舍萬里一鶴飛華表留新話世人總
未醒有淚向誰洒軹關及榆關相望不相捨回首顧臨
渝柴車每獨駕奔走良苦辛安意無悲叱袖攜易一編
義文共摹寫呼坤旣應牛呼乾又應馬天地只如斯吾
徒何爲者

十四日壽陽雪後

羊腸九折雪中看老病方知道路難正是天涯寒食節
風光偏向壽陽寒

十五日同復陽至太原步韓文公壽陽韻

皂帽何如管幼安春風只似舊時寒晉陽還見遼陽月

萬里清輝玉一團

其二

客心慵處轉心安猶有羊裘遮暮寒起向空庭看月色
天涯清影共團團

四月三日壽陽道中口占

一株兩株綠樹忽前忽後清流行到懸崖窮處沿溪又
轉山頭

其二

不見幽花吐艷時聞野鳥傳聲疊嶂層巒近遠何人采
藥閒行

其三

觸處水聲活活豁然開我宿懷便向盤石坐臥天成野
老幽齋

其四

別却壽陽未遠寒溫各是冬春幾欲抽添衣絮絮衰顏那
慣紅塵

其五

每嘆春歸難覓山行忽見明霞茅屋雲中雞犬武陵人
問桃花

真定何誕登舍留宿因及郝雪海太息不已有作

東坡集卷三
三
世事患拘牽人生貴胸臆遇合固偶然相知豈文字俯
仰二十年會面驚老瘁爲問蜀道難往來足屢躓棧雲
仍躍馬慷慨不復悸所痛在殘黎生養日憔悴還思嶺
南游鯨波每親試單騎見渠魁直言動大帥功成惟斂
手不忍稱能吏以斯備諫垣敷陳獨深至風采傾長安
貴人嗟英異胡爲得一麾無乃觸時忌况予遼東鶴生
還亦偶遂天壤誠空濶貯此千秋淚中山好男子雪海
與君類雪海尚未歸豈獨我當愧桑梓亦有情交游亦
有誼予爲雪海嘆所爭在大義臨危不愛身舉足封疆
棄試看今日蜀竟是誰所賜賈誼涕何頻虞翻骨不媚

竄逐良已矣寒灰冀一吹風雨自西來壠麥作秋翠明
月照幽窗焚香且熟寐

過真定候梁蒼巖宗伯

勲名係羣望志乃在林野前年寄我書相期過茅舍肺
腑半生交獨知語無假順時一拂衣進退何瀟灑求閒
而得閒寧復問餘者

其二

還鄉雜悲喜入室忽深喟流塵掩素幃冷月耿獨寐寢
不見專席飯不見當饋往者爲姬姜來者爲憔悴含淚
復向誰君子知代價

其三

風雨滋良苗乃折庭前樹植根豈不牢連枝委塵土共
嗟隆棟材大厦失撐拄詎意嬌盈盈奄化隨慈姥慟哉
西河悲用以誡人父

其四

好古復耽竒典冊堆充棟坐對欲忘饑行披似已痛當
其寂會時浩浩心空洞百車未云多歸與賴此送搜致
意良勤微言要有中

閏四月五日由東光至樂陵西村

三月在風塵回途景物新槐陰遙駐馬麥浪近迎人野

曠心無繫交深道有鄰由來鄉土貴誰羨遠方珍

唐城草

庚戌十月

僕鄙不修辭年已及暮咏陶蘇之飲酒亦曰啣杯
和王孟之閒居聊云學稼秋行盡矣歲之不登冬
之初兮於焉有役睠言德里維茲唐城曉月凌霜
寒風踐雪生芻一束如見其人君子尙來不遺乎
我志新知之雅誨申舊好之良規媿寡過之未能
欣從善之有益旣唱予而和汝遂虛往以實歸竒
石橫飛望高山而至止清溪坐繞奏流水於知音

云爾 自識

恒嶽恭紀四章

太行東下勢崔嵬，嶽廟高依北極開。
溟海曾聞鵬化去，遼城親見鶴飛迴。
虞廷玉簡傳靈祀，漢苑金莖獻壽杯。
好向收藏窺造化，凌雲真有歲寒材。

其二

多年雪塞老袁安，招飲何須竹籜冠。
日月自臨雙闕上，松杉故傍五雲端。
苔封翰墨須重讀，壁揭丹青且細看。
敢以微誠邀帝鑒，笙歌沸處幾家寒。

其三

萬國羣瞻泰岱崇，恒山列峙秩還同。
辰居星拱參元化，黍谷春含殿歲功。
柴望儀先三代設，莊嚴氣共五臺通。
莫言逋客無仙骨，一石曾飛鎮紫宮。

其四

靈祠亦以渾源名，雲氣還從大茂生。
自古神功開朔漠，於今廟貌壯孤城。
龍文近接奎章出，鸞馭遙隨天樂鳴。
正是凝寒占歲稔，朝來瑞雪慰羣情。

其五 奉輓郝恒瞻先生十章

崗原在望早沾巾，活活清流想哲人。
老樹空堂猶昨日，斜陽岐路已前身。

其二

垂楊亭畔綠絲絲芍藥花前酒一卮約我重來花下醉
石床坐語是何時

其三

莫言七十世人稀鐵骨剛腸只自知飲到醉時嗔說醉
病須醫藥怒延醫

其四

叱馭何辭棧閣長到今秦晉是巖疆千秋良訓惟忠孝
蜀道安危詎一方

其五

雪塞朗吟證道歌膝前玉樹與雲摩潛修豈必求人識

祖德淵源事正多

其六

流離天外那堪論何意遺雛亦自存婚嫁向平知事畢
可憐着眼望曾孫

其七

蕙苾空悲馬伏波少游欵段奈人何熒熒相倚惟兄弟
原上鶴鴿急不過

其八

黃土青雲人易老讀書學道志難酬只今俯仰皆無計
疾痛方知是父憂

其九

疏水承顏冰共雪米鹽瑣屑欲何為殷勤慈母重添線
身遶嚴親已不知

其十

冠簪肅穆儼如神心事平生徹 玉宸教子一經身萬
里麻衣猶是未歸人

自唐城之曲陽道中

蕭蕭蘆荻幾人家村落灣環一徑斜遠岫濃雲方醞雪
危橋淺水欲推沙閒心信可尋幽賞晚景虛如問物華
為說葛洪仙跡近誰云勾漏有丹砂

水竇崖

濟源祠在北城隈雪徑崎嶇掃未開水轉潺湲穿竇出
巖深蒼翠鑿空來芒鞋直踏層冰滑清嘯虛傳衆壑哀
舊有危亭堪一眺夕陽遙帶太行迴

水竇崖之巔有東坡大書浮休字

按公五十九歲帥定州是後遂

南 謫海

坡老分符帥定州閒中磨石勒浮休金鸞視草初無意
鐵甲臨戎亦自由夢醒不尋蕉底鹿機忘真下海邊鷗
時來遷客非人事談笑何勞計去留

水竇崖舊有漱玉亭石刻東坡滿庭芳詞後亭廢

石移砌嶽廟廡壁

揮毫潑墨足淋漓好置山巔與水涯
夢寐未忘天下計文章豈欲世人知
海南塞北皆吾土新法危言彼一時
千載風流公自賞空庭寒雪繫予思

回自曲陽道中

不辭客路勤來往禮嶽詩成愜素心
正以風寒常袖手豈因日短始微吟
凌霜獨識蒼松色逐食羣喧野鳥音
幸有朋儕同笑語濁醪村店亦須斟

雪後

澤畔羊裘意自寬燕南趙北凍相看
白雲起處空幽地

流水聲中有歲寒萬事孰嘗如蠟味
寸心灰燼似燈殘天涯悽惻緣何事
生死論交自古難

晤真定太守張汝士感賦

踪跡年來各不知倏然相見晚燈時
衰顏遼海堪憔悴遠宦滇雲有夢思
真定郡當畿輔最二千石是諸侯師
幾回欲訴燕臺舊且盡中山酒一卮

汝士言及舊閣部楊文若遺集尚未授梓為取楊忠烈公集俾讀之

批鱗獨力護宮闈忠烈文傳志已違
誰目清流成黨禍自探虛焰蹈危機
捐軀一息無生死抗疏千秋有是非

最痛後來揚閣部九原相見可同歸

趙愛周自保陽來話舊有作

桂樹秋風二十年相逢且喜且潛然冰霜故識生成意
雨露還知造化權民力誰蘇凋瘵後臣心自洗奏章前
淳安九載依慈訓流涕爲子說母賢

保定金鶴冲先生暨尊配王夫人大節炳著詳之
國史隆乎廟食矣茲與令嗣右黃游處有日復
聞所未聞慨然興嘆敬賦二律

埋輪仗鉞本孤忠力剪鯨鯢護帝宮隻手自擎霄漢起
丹心竟與碧泉通安危大計言猶在廟祀新章秩更崇
詎以斯文稱後進竊從令嗣話深衷

其二

綱常事急敢偷生日月雙懸夫婦名渭北羣瞻御史節
燕南獨守夫人城丹青畫像垂新室松栢陵園繞舊京
欲問栢捲心不忍鳳雛中夜有啼聲

次金右黃見寄韵

寄我無非種樹書故人相憶命中車一簾好月開華札
千里春風到敝居若水淡須同味後如蘭香挹話心初
也知玉樹推王謝清白家傳有素裾

十一月五日復陽初度爲賦一律抒痛

流離憔悴到於今草土匆匆淚透襟襄事詎能稱子職
承歡猶欲見親心側身萬里冰霜潤彈指三生日月深
不盡朔風吹落葉慈烏終夜繞寒林

初九日發唐城至小店志別

十月東來正上旬言歸經月也如春陽回霽景逢長至
雪淨寒村別故人老向田園存素履身隨道路襲清塵
同儕不盡殷勤意百里追隨意倍親

初十日蠡縣道中次前韻

臥雪殘年踰五旬交遊幸接座中春無涯日月爲知己
不盡江湖有散人來往交情成坦步升沉夢事破微塵

歸途到處看松柏閱盡冰霜與汝親

薄暮河間道上

落日能無嘆路岐樓樓吾道欲何之天空皎月清無奈
野曠寒風劇此時眼到窮交雙涕淚心懸絕塞幾縈思
河流自古惟東注九載經營事可推

十二日河間曉發

瀛州城下大堤東旭日清輝萬里同豁爾心開宿霧外
酣然眼醉曙光中負牆有叟思堯力問水何人念禹功
遙憶高齋清睡足微吟起就曉窗紅

十四日發滄州竟日霧

東坡集卷三
長河水暖結冰遲濃霧蒸如二月時遠樹層含烟漠漠
微風一滴雨絲絲愁中濁酒堪相對望裏寒花寄所思
未覺沉陰妨道路不須遠眺且吟詩

十六日曉發鹽山

千里馳驅亦有涯故園地近欲還家清霜自映山頭月
曉日先開海上霞老至愈添書卷興閒來預擬酒杯賒
遙知朋輩勤相憶屈指春光轉歲華

憶與復陽論詩途次口占却寄

聲音文字自何原龍馬河圖已有言刪後何曾無正始
國風雅頌滿乾坤

其二

楚畹蘭滋被曉霜懷人恨似楚湘長秦風一歇無消息
屈子爭懸日月光

其三

沈謝曹劉各自工王楊盧駱偶然同欲向前賢尋意旨
鏗然鼓瑟領春風

其四

送君攜手上河梁淚雨愁雲低鴈行管鮑不傳蘇李意
爲吟十九古詩章

其五

東坡集卷三
驚人佳句早須刪塞上人稀自掩關獨立忘言君始悟
朝來雨雪滿空山

其六

人才國計最關懷師道循循賴魯齋後有河東薛夫子
鏗金鏘玉莫安排

其七

金陵吟有謝公墩路向鍾山望白門投老終期山上寺
霜松雪竹伴黃昏

其八

垂老投荒自和歌淵明詩後有東坡當時只酌杯中酒

最苦羣賢議論多

其九

天然標格畫難工白雪陽春調不同一洗羣言歸大雅
昌黎徽國兩文公

其十

郁離子賦有深情東越儒壇竟主盟莫道詩窮能徹骨
詩家也有兩文成

其十一

格律精嚴說大家千紅萬紫鬪奇葩誰能會得春來處
弄月吟風有白沙

其十二

歲月難將賦咏酬天機人事各悠悠容城却有真詞客
一個椒山一靜修

其十三

堯夫真是萬夫豪擊壤詩成調自高却向天津橋上立
杜鵑聲裏續離騷

其十四

浣花叟意向誰論山谷不死須溪存最愛鈔詩盧德水
盡刪註解罷繁言

其十五

少陵佳處真難識慘淡經營祇自知欲使雅音今不墜
苦吟猶愧晚唐詩

秋尋草

甲寅重九後二日保陽金右黃惠顧賜詩即次原
韻

清秋鴈影度蓬門一士來從上國尊喜見黃花逢勝友
咲看白髮抱曾孫傳家忠孝思無忝學海波瀾信有源
手把新詩拭老眼青燈涼雨夜深論

同金右黃遊西莊訪范仲亮及僧脫穎因從迷馬
莊尋盤河故跡次右黃韻

東村行處近西莊好友相攜問築場竄逐當年冰雪窟
棲遲今日薜蘿裳空林落葉尋開土注海疏河憶古皇
可似唐城秋社裏黃雲割盡稻田香

念五日曉發海豐大莊

驢背輕寒帶曉霜凋殘綠樹影微茫辛勤病態緣知己
涕淚窮途剩老狂野曠牛羊稀出牧秋成菽黍盡登場
相期易水悲歌地有客同心是故鄉

得句

誰云秋老逐秋行緩步微吟野叟情得句堅求聲律穩
調心須覺客塵輕菊花節過逢霜至雪塞寒來有鴈鳴

欲醉中山千日酒白雲紅葉好相迎

念七日滄州早渡

風塵老困何處處暗經過秋盡雙鴻急身輕一葉多衰
顏堪落寞拙計幸蹉跎未醉滄州酒清霜曉渡河

書事

兵甲關天意安危在運籌徙薪寧早計厝火詎良謀赤
子瘡痍盡書生涕泗休飛騰看躍馬年少合封侯

聞捷

畿輔征車出多方奏捷聞論功恩自渥望救勢猶焚得
美應全勝先聲豈一軍終然勤內治按堵計耕耘

念九日自肅寧至蠡縣道中

不盡沿河路蒼然萬柳齊黃蘆圍曲徑白草帶遙堤落
葉紛無數閒鷗冷自棲秋光如可溯小艇泛清溪

十月一日行自小店

曉起垂濃霧晴暉逗午光菊留秋有限鴻度水無方路
折行須問林深坐可忘此中容素隱五柳讀書堂

唐縣宿王衍溪芸窗同金右黃次壁間左圖麟韵

謝續溪元圃觀聖諸君子

質素論交意相逢得盡歡遊山猶見菊入室似聞蘭夜
柝當城近清霜洗月寒凌雲饒勝友吾老只淵蟠

十一日自唐縣至曲陽道中

楓林柿葉入霜鮮水色山光冷自妍亂引清溪行麥壠
遙分翠袖駐松烟平沙鴈度孤村靜野寺僧殘一塔懸
燕代陶唐餘勝蹟誰從滄海問桑田

曲陽與劉峻度論詩兼呈陶季

吾道垂千載大雅未云亡夙昔仰劉子聲譽擅維揚客
遊兩經過不敢輕登堂鄭重天下士鍼芥察毫芒雪海
與邵度交口稱曲陽治行見卓魯謠頌鏗笙簧尋秋曳
短褐快我平生腸相見極悲喜把酒論文章親故多逝
水生存但枯楊所賴惟翰墨適意咏羲皇古辭匪漢魏

近體豈三唐幽懷寄譚鍾藻麗矜李王張弛猶文武用
舍異行藏偏隅執一說無乃非大方陶季听然咲謂此
老也狂

遊香巖 小序

十月十四日將自曲陽攬香巖之勝有憚其險者
予意且阻邵度奮然決策乾若踴躍從事遂由東
郭而北風日暖美山川開霽予子十四郎乾若子
三郎懽呼隨行爰書所經以為斯咏

晚照

遙青幾折入前林晚照浮空紫翠侵若向千峯分遠近

誰將萬壑較高深凌風野鶴如人意過水閒雲共此心
稚子從游方笑語老夫策蹇一長吟

晚至南菴宿

幾間茅屋菊巖阿徑轉遊人認薜蘿落日南征秋鴈少
寒山北向暮雲多吹殘楊葉霜驚樹影遍溪紋月瀉波
一夜禪床偕素友聊將清夢伴維摩

十五日曉發南菴次少傅憲石劉公壁間韻

欲向名山住因隨好友來寒煙松徑合曉月竹扉開往
蹟留塵壁閒心付燼灰出門橫畧豹緩步踏霜苔

次劉公韻已愴然再賦

劉公廊廟姿矯矯驚在位起家一理官雅韻留娥媚于
役憇禪房雲山悅蒼翠至今壁上詩風過籠紗吹冰霜
淨鬚眉篇翰自矜貴小子忝晚進提示開蒙曠逮公登
黃閣遼海先憔悴生還悲再見頌繫臥庭寺慨然念首
丘顧我一揮淚身世偶相遭腹語亦何謂俛仰五十年
俱爲浮名累入山苦不早痛省復深媿

入山

路滑緣晨凍山深願不違穿雲看鹿徑傍水問漁磯日
月消蓬髮烟霞老布衣子真如共隱谷口結柴扉

香巖閣

九頂露蓮萼千巖轉逼窄鑿空繡紫苔冰乳垂滴瀝青
松緊如拳怒虬蹲絕壁佛閣駕石船凌空飛翠律仰盼
天一痕欲前足不力禪榻杳無人雲洞遂深聞鐘鳴川
谷幽霜清寒月夕崖崩古殿摧庭虛落葉積秀從恒岳
分路向臺山陟祀典旣遷移精靈豈久寂檀施見經營
靜侶還駐錫嶽靈絳節朝大士燈光白游者堅道心萬
古清涼宅

次許乾若韻

五載勤相憶還來續舊遊當時同笑語此夜共歌謳峻
嶺登雲閣清溪泛葉舟囑君新釀熟好與野人留

山村即景

編茅築土向山根復業流移自一村纔到城中分布絮
歸將殘飯養雞豚

其二

清溪冷月照平沙保甲傳更夜不譁莫怪行人貪早發
捉生縛虎送官衙

其三

烟嵐迴抱一溪雲塾舍書聲處處聞不是田家知禮讓
肯教絃誦伴耕耘

其四

輸完官稅正初冬擊鼓連宵社火紅誰道孰荒愁米賤
只因暇日樂年豐

梁蒼巖年兄寄詩次韻為謝

我友還從塞外回相期千里竹亭開到門問主看山去
上國尚書賜句來雪下西風憐短褐星懸北斗憶蓬萊
只緣雅意相留切旅况寒宵對酒杯

郝莊臨年兄話舊感賦

枕塊頻年夜著衣蓼莪篇廢淚還揮金臺玉樹青雲接
雪塞霜鴻綠鬢稀舊涉江濤心自穩親行稻壠步猶飛
來因孝友容予老一榻南園靜掩扉

東村集卷三
曲陽劉峻度明府內子雙壽

山城雪霽秀瑤枝
案舉琴堂映紫芝
臘入椒花爲頌酒
陽回黍谷欲添絲
長生自得仁人壽
却老何須玉女師
試聽千家齊獻祝
召君杜母介雙眉

五士泮游爲郝復陽賦

中山文物見承平
坊表奎樓照眼明
蓄德龍源先世澤
談經雪塞故人情
決雲鸞鷲應齊上
得路驂騮好並行
濟美文章餘豹畧
瑤林丹桂五枝榮

壽杜紫峯先生八十

容城徵君大耋時
巋然吾道人
中師紫峯先生稱八十

九霄丹鳳雙羽儀
徵君傳道蘇門裏
紫峰絳帳開渥水
元氣互培天地根
淳心獨抱仁爲美
淵源忠孝自江村
致知姚江得細論
百五十年如旦暮
唐堯虞舜至今存
生逢堯舜身畎畝
拾薪負米勤將母
白首窮經大布衣
筆花墨蕊噴瓊玖
紫峯集出見宗傳
誰其示我當客筵
瀛海將軍孔公毅
介祺高士同周旋
眼中得見真君子
南望蘇門何遠矣
岱峰爲高海爲深
山東鄙人言如此
臘月十三日旋里
少憇西村大松庄

斜陽古樹照行人
千里車痕帶遠塵
却似山陰回夜雪
寒梅香在故園春

年家眷同學弟新城王士禎校閱

東村集卷三 終

東村集卷四

霑邑李呈祥吉津甫著

南遊詩

壬寅八月淮關晤徐子遜即寄呂翰公

秋色浩長淮客抱一瀟灑故人欣會面絮語對樽尊憶
昔謬文事到今十五夏後先兩賢宰絃歌起青社八年
冰雪中往往聞大雅俯仰如隔世老淚忽盈把江山饒
勝緣歲月天相假努力各乘時扁舟吾行也

淮關過一士民部署中因懷冶園

河干風雨對蕭森南北三年兩盞簪數米能無遲宦意

東坡集卷四
橫舟敢有壯遊心樽前人是遼東鶴醉後詩成梁父吟
爲報冶園賢地主簣篋千畝好清陰

晚泊寶應口占

寶應城南晚問津停舟棲息暫成隣天涯到處爲鄉土
誰是浮家泛宅人

八月晦日高郵湖遇風一舟幾覆紀事

故園歸幾時遠遊意當憚渡淮買小舟謂將休劬倦頭
低不得舉跼蹐故云慣推蓬發吟嘯秋水供遐玩孰意
毫末福伏有丘山患舟子速前期理楫方夜半日出見
高郵湖波正湍悍此時少加審策蹇即清晏嗟哉誤不

再安危爭一線中流風大作急浪如雷戰峨峨萬斛船
落葉隨風攏左側柁忽折右傾纜復斷瞥見隣舫沉呼
吸人魚判長年但奔號手足交撐扞咫尺蘆中石何由
一跳岸同命亦有儔無語惟驚顫痛省獨在子積罪多
逢難此行果何求乃爲神明按眼看垂死際彷彿慈母
嘆湖口萬人呼誰使脫深漩古來惻隱術遇此宜方便
幸濟獲再活追過書几案

九月一日舟近召伯杜湄村憲副來感賦

秋水蒹葭賦溯洄盡船忽見使君來十年生死留雙淚
千里音書寄一杯入目浮雲同澹蕩當窗晴日與昭回

東村集卷四
臨期執手還叮囑簫鼓郵程且莫催

其二
天外誰留不死身眼前驚見夢中人
故園禾黍秋無恙絕塞冰霜舊有鄰
淚到魚龍初感激書傳鴻雁幾酸辛
柴車每憶長安道嘔血排雲動鬼神

其三

小艇南來逐野鷗西風河上一羊裘
菰蘆地濶容孤往粳稻身閑釋晚愁
立語已知先下榻行吟還擬共登樓
艱難民力誰消息公等雖勞未可休

其四

當時諫草重明光襍被俄聞出上方
短髮故宜雙髻雪長髯何事一莖霜
百年兒女非吾累五嶽烟霞是故鄉
興到山陰須返棹蓬門風雨待連牀

二日至維揚投詩王貽上

八月濤聲待舊知扁舟乘興亦前期
來尋塞北秋鴻約坐咏淮南夜雨詩
節序驚心籬下菊池塘清夢髻邊絲
及門自致懷中刺幸倚臨風玉樹枝

領貽上佳刻即却來餽

手板河干費送迎惠周放客倍鄉情
高吟佳句堪深醉愧殺通家舊弟兄

東村集卷四
三
與湄村貽上兩公商刻徂東集金塔鈴有小序萊
陽左大來先生博羅剝人禪師皆卒成所遺詩
徂東集金塔鈴各數卷攜之南來共謀剞劂嗚
呼大雅不作詩道淪墜苟非可傳何能阿比剩
公在時嘗言林茂之貧且老矣今乃無恙欣慨
交深故並及焉

奎壁落天東雪窖埋雙友其一黔丈夫長身而偃後其
一僧公子皤腹恒張口幾時成兩頑子到添三醜遂使
冰海瀾澎湃聞龍吼唱和七年間篇什雜箕帚丁寧付
一編垂死明授受生還身與俱出入必懸肘遍觀天下
士此道竟誰有吾郡兩君子冰玉輝山藪流涕拜致詞
積血今當剖但恐失良時地下終相負雄文一揮灑春
色回衰柳陶公共遠師炯炯心難朽臨義豈復遲千載
見君手眼底緇帙開早為寄林叟

蕪城秋懷

前臨天塹抱金焦背倚蜀岡地勢遙玉壁星羅江北郡
鹽盆日煮海南潮朱樓宛轉三千戶綠舫週迴廿四橋
猶說隋家煬帝富卅陽別殿起層霄

其二

濠穿鐵鍬石樓平萬馬投鞭此鬪爭紫極晨飛都統檄

東坡集卷四
四
黑雲晝壓相君城臨江節鉞誰雄鎮橫海樓船自鼠兵
皂帽西風搖落甚可憐憑弔老書生

其三

寒河十里畫樓居鳥語窺簾落照餘雨過芙蓉光冷艷
月明楊柳影蕭疎因歌紈扇催霜鬢欲采流螢映素書
不爲秋花餐落蕊乘舟真去釣鱸魚

其四

琉璃貯火冷禪宮太子琅函蔓草中拍畫江淮三楚舊
銷沉陵墓六朝空汲來井液晨雲白望斷林花晚照紅
千載風流人不見平山堂上兩文忠

留別

旅次憑知己清宵理素心交情真繾綣客興自蕭森夜
雨迴前夢晨霜到舊林此身隨去住藉甚莫沉吟

其二

萬事一生餘敢云與世疎所期無不遂前往欲何如上
策惟高枕窮家有敝廬也知蟋蟀意激響逼堦除

其三

乍得逢親舊分攜意惘然看雲如欲出侶鴈早知還返
舍開新釀來春問薄田依依隋岸柳遙繫秣陵烟

趙石寅寓晤程穆倩即讀佳刻因有短歌

石寅一別二十年相逢相見兩茫然爲言程子今無恙
老至新詩更可傳乃知程子真靜者執手不禁淚盈把
塞外冰霜經幾時茅屋河下還瀟灑

重九曉渡金山舒眺

九日金山寺登臨最勝遊一帆揚子渡萬里菊花秋傑
閣龍文秘懸崖雉堞週不須悲落帽晴日滿汀洲

其二

欲采茱萸佩相攜載酒船濤聲山自寂塔影晝常懸雪
塞人應老蘆洲鴈已還祇因風景好發興遍林泉

其三

未覺丹楓落晴光絢早霞逢僧如舊侶對友即吾家老
筆誰題石清泉自品茶振衣堪縱目秋色浩無涯

留玉閣坡公印師遺像歌

坡公未死眉山秋手扶虹蜺踏九州下視紛紛皆蜉蝣
一衲空山獨唱酬坡也拈髭咲不休印乎撫掌復何求
汲泉共煮石堂幽區區玉帶安足留我來日霽蒼烟浮
飛鴻哀喚招其儔玉關霜重塞雲稠五丁前走開且搜
曰歸曰歸聲啾啾二老啣悲清淚流

焦山

汎舟望遙青見樹不見石一逕入層雲窈窕仙人跡磴

轉楓葉紅洲冷荻花白爲尋瘞鶴銘點畫洗潮汐作者
知爲誰至今珍碎壁坐憇欲忘歸月出空江夕

過毘陵尋東坡先生蹟不得

逐客何時自海南無家春夢睡常酣高秋還照城邊月
可有遺文在碧潭

惠山泉

寒泉不自市詎意世人知當茲山未鑿含吐亦有時無
懷葛天民漱齒照幽姿伊誰矜鑒別奔走成珍竒餅甕
輸四方真僞互參差何如抱一泓巖阿麗紫芝

舟中與石寅讀書

微風漾平流輕舟如泛鶩潦盡水空明映我鬚眉綠猶
疑藻荇橫坐臥凌蒼竹良朋絕拘忌坦然見胸腹晝夜
几席間顛倒皆篇牘中有古人心字字耐深讀

澣墅

所語不可辨浩浩同一聲所見不可知擾擾非一形鱗
比萬艘集楫鬪雷霆驚往來無停晷日計猶未盈勞勞
者誰子黽勉宜宵征

十五日望虎丘

千人石上月來往幾年心烟霧空濛裏吳宮何處尋

雨中登生公講堂

東村集卷四
生公豎勝義開心向石語情至通無情首肯示深予至
今講堂上問答相爾汝秋葉雨中鳴疑義析幾許

紀行詩

乙卯二月六日清河道中

微風漾清溪波細如春雨麥潤青吐壠柳嫩綠含樹夕
照牛羊來深林鳥雀聚偶逢負薪人意舒身則俯何知
城市囂淳質在環堵適予丘壑心行役安所取

七日小新城曉渡

羊裘犯曉寒拂面風凜冽却愛樹生花皎皎晨霜潔河
廣不容舠輕漿蕩冰雪逶迤東到海岸谷深曲折緬想
桃源幽一入囂塵絕時聞欸乃聲逕轉林塘別茅屋把
一編此間坐怡悅

宿梭鎮

驅車不覺晚林端掛初月村人依暝烟怪客行未歇非
商亦非賈勞碌慙華髮遙見捕漁人石橋燈恍忽就榻
且復眠雞聲催曉發

廣固城北門

廣固非昔城城廢門猶故當時競豪雄今日空丘墓往
者若有知來者何不悟微風送清磬精舍當衢路山市
起浮烟初日照高樹

山居

晨霜耀高原蒼烟起茅屋春風掩柴門應有幽人宿微
徑草芽青巨石溪流復適意隨樵夫忘形入麋鹿生涯
在薄田牽犁飯黃犢

穆陵關

萬壑障齊城一關橫大峴登陟雖云勞望古豁予盼太
公賜履初基業實闕衍後來匡合功敬仲才猷展磻溪
夢寐通堂阜薰浴顯自昔賢聖人未遇皆偃蹇下山吟
梁父沂水清且淺

覆車歎

垂老仍漫遊所往計不預短轅歷艱險進退嗟失據但
恐墜阮谷何暇憂泥淤一絳犖角間號呼將伯助倘然

風雨來狼狽投何處險路無安車顛覆思良御

曉行

春陽亦已舒誰使霜威逞芒屨踏輕冰曉發客衣冷
橡葉冬不凋傍水照青景袖手過石橋有客負笈簪慙非
文中子微意誰能省

澗水

曉行畏霜寒寒甚霜不止誰謂春冰薄冰堅似可履
北風逆塞鴻早日煦遊子忽聞曲澗中清流石齒齒倚杖
憶陶公吾師聲在水

新柳嘆

宿莽遍汙萊芳草疑前路新柳未盈握彌望失老樹
樗櫟本不才非被春風誤樵客猶不逢匠石何由顧念我
自速老安知物非故

花朝李莊旅次寄施愚山於宣城

泰山領羣岳滄溟納沼沚斯道推宗工高深庶可擬
春風二十年秀發皆桃李一臥敬亭山孤雲澹無倚
往歲寄我詩安意丘園裏誰知老病身負米羞未已
慨然念吾儕况味涼如水雪海薦猶頻伯衡用且俟
何時樽酒同開口笑無齒

愚山舊督學山
左口吃能詩

冒雨至宿遷

雲起峒嵒山滂然作風雨沾濡既不辭泥淖行還苦策
蹇力不任蹶墜無乾土極目望城隅烟霧濕樓櫓何來
鐘磬音禪室幽可取

執鞭

獲值能幾何隨人作驅使奔走風雨中歌呼在泥滓距
躍矜捷足儔侶各自喜爲思富可求勞生詎得已吾老
筋力疲何能御晏子

郭溝渡河又過西營遂至淮

微風漾黃流曉日平波面再渡意殊恬但覺輕舟便西
營非舊跡郭溝實支穿築塞民力勞何計休劬倦糧艘

過清淮玉粒及時薦

漂母

淮陰未遇時不能謀一飯舉世無識者漂母獨勤綵重
報非所期千金豈足願古來國士才往往餓且困悠悠
道途間未可輕負販

清水潭

高郵望湖波怵然憶昔戒過壩易輕舟庶以懺宿註不
知清水潭堤決岸崩壞洄溜急盤渦巨舫吞如芥頻年
築未成勢涌滄溟隘長老爲予言淵內有靈怪每乘風
雨來糧艘因覆敗若能塞上流高家堰爲界慎用術衡

錢東南起凋瘵

露筋祠

聚蚊飛萬刀弱質堅不避中宵燦日星全軀非無智撐
柱白骨高轉覺投淵易淮濱漂母仁邵湖貞女義洙泗
聖人香千載寄予志

泊廣陵

宵發高郵城廣陵日及午出墻有杏花夾岸多芳杜寺
宇圍松杉樓船震簫鼓扼江一都會渚海衆商賈歲月
人事新隍池地形古舟行此暫停安知非吾土

舍舟就寓夜大風雨

微風細雨時蹴躡宿遷縣盲風怪雨中搖蕩維揚甸勢
欲走江河威尤挾雷電草榻眠未安急起還驚眩悵然
憶小舟何處飄一線

春雨

河北無春雨江北有春雨河北喜春雨江北苦春雨喜
雨春雨難苦雨春雨易春雨渡江來春雨到河住北客
過河時願攜春雨去

刊江晤魏雖伯爲賦

自昔別京華迄今十六載此會乃刊江老病予顏改攬
轡務澄清積弊頓然解軍需資飽騰商力困且憊恤商

以供軍晝夜勤弗懈微隱析秋毫持身嚴一介示我賢
室篇離伯繼室周孺人舊年病逝清白志所誠內助實良朋執手言

俱在寫痛詩十章字字淚爲灑潔清甘糟糠仙姿吸沆
瀟逝者必有知存者慎勿悔大義急濟時職業日斯邁
邗上爲晝公宗侄賦

嗟予老不才子木如樗散仙李厚本根榮發維揚產傳
家道彌尊訓子業方顯給諫繼中丞樞機待旋幹辱爲
兄弟行到門猶羞赧秋風附驥足藉甚及豚犬欽此珪
璋姿南宮佇弁冕攤書戶常局熊丸自京輦

市人

肩摩市上人日見日不識早暮紛有營百年竟何得萬
卉受春風向榮豈自力冠蓋倏軒昂側身望顏色邪許
負擔聲一飽事已畢寧爲參與辰勿作膠與漆

上巳平山堂修禊分得檻字

修禊聚羣賢望古情何減小舟漾曉風岸柳青可摻遂
至平山堂輪奐輝朱檻太守師歐公締構光遺範豐鎬
懷舊京此地如分陝霜鬢照春花時序驚荏苒雅韻非
絲竹佳句即琬琰曖曖秣陵烟如帶江波濫渺渺數峯
來金焦黛色染心閒政有餘疎簾臥清簟同樂及良時
垂後在約儉更欲寄遐眺草閣就側戶

上巳試第五泉分得平字

楊一益二想昇平茗椀蜀泉第五名
蠲眼濤疑冷水沸
龍團色比惠山清
風前已覺雙眸豁
酒後還知兩腋輕
欲向迷樓尋舊跡
銀瓶繡井杳無聲

贈何昭侯同年

桂樹秋風裏
俄將四十年
自憐人老大
誰與世周旋
晚有科名分
愁多藥餌緣
蕪城春水綠
欲問過江船

清明日廣陵城北門

二月來揚州
倏然過寒食
曳杖登城闔
觸目如相識
灼灼園中桃
紅映玉蘭白
簫鼓沸河流
衣袂接阡陌
人自

逐春忙何處窺春色

壽汪觀瀾先生九十

汪公觀瀾真偉人
孫公鍾元

名奇逢
容城人

即天民壽將期願

孫公得汪公已躋九十春
孫公好友鹿公

名善繼
定興人

是汪

也同心范與史
三公義比文文山
獨留兩公作綺里孫
公之孫登賢書
汪公有子乘軒車
海內賢豪捧几杖
梧桐高閣升清虛
臥閣潛思勤未歇
藜火丹顏映素髮
不知滄海變桑田
幾見寒梅照明月
南極星輝世恬熙
倫有君親道有師
喜逢二老懸弧日
爲說嘉隆全盛時

贈呂半隱年兄兼寄宮紫陽

吾徒隔世人何意再相見握手不及語哽咽淚如綫痛
定還慰藉交情溢顏面踪跡各飄零邗水即鄉縣皂帽
來遼東潼川急羽箭憶昔司馬公江漢清組練自作灌
園人烟霞供冊卷老友託歲寒春雨草堂舊

卞雲郭六十

紫陽先生吾老友膝前玉樹森瓊玖天下文章推會元
九雲集富如淵藪九雲才高不自多索詩爲祝丈人壽
丈人江都稱大儒奕代蟬冕忠貞後樽罍雅同洛社遊
芝朮靜與綺園偶年登六秩夜讀書瑞聯六鳳輝山斗
紫陽高唱鍾呂音鄙人和之羞瓦缶九雲學成方少年

遼東皂帽五十九

舟過高郵湖阻風大寒

不寐苦長夜豈謂春晝短老病畏春寒非愛敝裘煖風
從西北來塵沙突遮眼萬艘齊收舵就岸還驚難回首
巨浪中湖險過何坦袖手且微吟歸程任舒緩

渡河

昨日渡黃河今日黃河渡千金擲一埽築堤何時固入
海勢漸北直趨安東路前人議膠萊或亦關時務嗟哉
民力勞深恐糧艘悞

杖杜花

山村素艷殿春葩舞雪迴風杜李斜忽憶廣陵城上望
紅橋開徹玉蘭花

四月十日穆陵關次日立夏

十二巖關四望開尋春南去逐春回山花山鳥還相待
恰傍清和節候來

十三日梭鎮曉霜抵舍後十八日又霜

霜滿射陽湖舟行正春暮入夏及故園疊見霜凝互眩
眼似微雪撲鼻如酸霧陌桑柔青萎落成枯樹二麥
翠成穰穗稿中心蠹木綿方茁芽不得須臾住徒令惡
草驕轉使良苗懼時豈嚴冬哉夏令行何悞萬里忽蕭
條赤子啼無乳不怨夏爲霜但願霜爲雨

橋西御王蘭花

四月十日穆陵閣次日立夏

二歲開四望欄尋春南去迷春回山花山鳥還相待

怡傷清和節候來

十三日校前曉雨夜十八日又霜

霜滿射陽城

霜似似

霜似似

斜赤下初無岸不怒夏露露日風露露雨

秋游集 丁巳九月

十二日桑落墅

驪歌初唱一郵亭長白山南列翠屏纔過重陽秋氣好

菊花含蕊柳全青

十三日曉行

月挂西林星滿天客程催曉未能眠霜華欲下凝寒露

白却前林萬樹烟

十五日淄川唐濟武邀至高念東昌國城東別業

次念東韻

白髮驚相見餘生老病翁新愁今日異別淚昔時同遠

東村集卷四
水流還住浮雲過亦空秋尋攜勝友杖策溯輕風

大峴關

西風黃葉石文斑極目巉巖試一攀天下才高不復見
隆中人去幾時還滄溟北繞通吳會大峴南橫扼楚關
胙土西京親賜履磻溪老子正蒼顏

次唐濟武韻

路遶山南見水涯穿林注壑動淪漪流來汶濟皆爲用
力到滄溟豈妄施菊蕊稀疏疎紅樹外鴻聲嘹唳夕陽時
秋光客興憑瀟灑藉草藤陰對奕棋

又次唐濟武韻

重嵐疊嶂翠相侵馬首看山好共吟論古須如商近事
析疑只欲愜同心鄉園所見仍齊語澤國相聞漸楚音
若向天涯悲歲晚疎林搖落也難禁

蘇村曉發

秋老寒空夜氣新霜華如練月如銀危橋馬渡疑無地
遠舍鷄鳴覺有人誰謂衰年堪道路自知俗骨合風塵
還將勝友烟霞意一問桃源洞裏春

濟武見贈有答

冰霜閱盡老無能書卷詩囊力不勝濁酒數杯聊晚食
征衫兩袂每晨興深耕幾處驅馴犢淺草何人試怒鷹

東村集卷四
六
幸有良朋消旅况敲棋入夜更呼燈

又次前韻

憑陵五嶽羨誰能婚嫁牽纏我不勝故是柴車容緩步
初非警枕使忙興驚心雪窖曾談虎側目雲霄只畫鷹
欲學無生嗟老病悄然旅夜對寒燈

次傅彤臣九曲僻間韻

雨餘楊柳綠依依作客南來似雁歸水漲還思垂短釣
風輕却欲着單衣疎籬鬪色開黃菊遠樹和煙在翠微
最是西成田父喜木綿花老麥苗肥

次于子先九曲僻間韻

沂州城外過客路近城回茅店依山曲柴門向水隈題
詩寧讓僻對酒莫辭杯不盡浮生意勞勞歲月催

傾蓋亭謁

至聖祠

仰憶炎精歇天扶萬古衰斯文傳木鐸至教砥金椎老
矣仍求友適然竟得師仲由執御日程子定交時立語
須傾蓋同心引素絲到今遺像在自昔大言垂獨切生
才意深原造物私奠邦隆巨棟炳鑒寶元龜愛惜寧摧
折疏通必振施褊懷生媚嫉隱患且顛危辯士成游說
諸雄遂競馳援琴聞鳳嘆反袂見麟悲俎豆猶堪設絃

歌視所爲邾城鄰魯壤闕里此追隨

紅花舖大雨歌

穆陵關上日傍雲掉尾長鯨動水紋自訝前途三日雨
蘇村夜宿遂紛紛沙路塵清車一放籬菊岸柳濕相向
擬到宿遷買小舟誰知陸海飛銀浪傾盆緊響忽奔雷
電繞空梁屋欲摧徹夜不停晝過午簷溜沒堦泥成堆
老友隔牆不相見榻前咫尺如鄉縣日影穿雲似乍晴
囑雲慎勿再魚形

司吾觀三仙洞次王西樵旅店韻

楚北齊南地雨當隨鴻逐燕旅人忙何緣仙洞窺靈秘

海上三山是帝鄉

河堤秋柳枝詞四首

夾岸穆穆列綠楊秋高日暖未經霜枝條誰敢輕攀折
落葉拾來補破裳

其二

寒風吹動細絲絲曉日分開一一枝莫謂清秋搖落甚
洪流巨浪汝支持

其三

掘菜淘魚勝煮沙一窩蓬草便爲家冬來儘教狂飛雪
唱得楊枝踏白花

其四

拋兒鬻女早輸糧
餓腹束腰赴役場
官長呼名詢住處
河堤柳巷是吾鄉

自宿遷至山陽書所歷

朝呼鍾吾船午泛白洋艇
云何屢曲折決口爲大梗
再渡雖煩勞力比一渡省
設舟本利涉誰知貪橫逞
嗟哉失業民號救聲悲哽
賑恤豈無術提綱在繫領
召使挑淤泥畚鍤負笈簪
紛紛日有給顛頓何能拯
緬思患所由黃流衝潰猛
金錢付逝波粳稻填深井
倘欲爲長筭先勿填骨鯁
一在清漏卮一在絕賕請
西北粟苦賤東

南困災青本折互通融亂絲
一以整築濬各有宜績用
成堅永平世憂禹稷饑溺急公等

十月一日舟發平和橋

曉霧晴煙水面同舟行也復羨乘風漩流急渡鳴榔上
遠岸徐開引纜中展卷不妨憑坐穩攤錢真覺遣愁空
白鷗浩蕩誰拘束萬里江湖付老翁

邵伯湖

廣陵城近水聲聞邵伯湖
邊店舍分面對勞勞還自哂
肩摩攘攘竟何云黃花盡放滋寒露碧樹初凋駐暮雲
爲憶淮南多秘術誰將丹訣驗鴻文

雨中渡江

宿雨連江曉睡酣輕舟送雨過江南危峯杳靄層煙接
遠樹空濛一水涵岸上花隨紅葉濕蘆中語聽白鷗談
長風何不吹愁去天際晴光逗蔚藍

京口大風雨歌

江南江北雨聲中江北江南風不同狂風急雨捲江北
怪事驚倒江南翁纜繫楓根飄一葉怒濤澎湃寒吹雪
秋去冬來攬敝裘蓼紅蘆白水悠悠君不見北固山空
化鶴語大耳躍馬紫髯舉諸葛長吟公瑾舞英雄老淚
足風雨

常州早發

舟子貪程發夜分水聲細響逐流雲搖搖夢醒緣何事
鄉語喧囂不可聞

曉霜

蕭蕭竹樹遍江鄉塞鴈低飛客路長一夜蘆花吹絮起
煙波滿地盡爲霜

虎丘遲念東濟武

有約虎丘山上寺行來山寺輒留連澗棲白鶴花間出
塔繞朱欄樹杪懸月度千人憑片石風鳴衆壑急三泉
停橈竟日須吾友好泛山陰雪夜船

游者

香輿石路細無塵寶髻榴裙照眼新莫向殘秋嗟落葉
紅顏行處煖如春

歌者

樓上清歌樓下聞千人石畔坐成羣于今尚有知音者
白雪陽春得似君

山亭飲茶

取醉休尋無錫酒解醒且煮虎丘茶渴無茗椀寒無盞
誰到江湖處士家

百花洲

盤門門內百花洲不見花開見水流別渚晨霜鴻鴈下
荒臺夜雨鹿麋遊吞齊止欲爭爲長跼越誰知怨必酬
爲問當時歌舞處寒煙衰草至今愁

十月十七日書武林旅寓

朝來水氣結濃陰樓上輕寒乍不禁却欲泛舟嚴瀨去
釣臺高處好長吟

贈王蓼航

回首金門共直廬當年兩省薦鄉書

予與蓼航同
壬午鄉舉

樽前

白髮交遊盡篋裏青萍意氣餘遂有閒身親藥裹寧無
長策裕軍儲淇園自洗千竿玉好作西湖畫舫居

贈傅叔甘

釣臺霞嶺往來頻
手板青衫蓆帽塵
握筭無非新餉急
吟詩祇是冷官貧
玉門自惜生還客
金馬誰憐憔悴人
三十年來餘淚眼
飄零湖海舊詞臣

渡錢塘

西湖寒色映斜曛
小艇錢塘路乍分
點岫浮青遙列障
澄江染黛細生紋
衰年不意逢幽賞
勝地真能快夙聞
便作漁人乘興入
此中有境隔塵氛

嚴州晚泊

夾岸霜林入望低
寒風柔櫓暮淒淒
前山倦鳥探深樹
遠浦歸帆逐舊隄
把酒還邀漁父飲
挑燈忽憶鹿門棲
江村晚臥猶堪賞
夜雨孤篷作畫題

蘭溪懷章楓山先生

楓山在望擬擔簦
雨過蘭江徹底澄
近接衢門爲闕里
遙瞻釣瀨是嚴陵
吟詩此日嗟求友
抗疏當年幸得朋
自古儒臣忠愛切
誰云文獻遠無徵

衢州督府四首

爲李鄴園賦

江漢滔滔浙水清
東南萬里見長城
雲開嶺嶠趨王路
斗指星辰拱帝京
決策原期消戰伐
焦思只欲復昇平
捐金贖取飛鴻集
滿地蒿萊使盡耕

其二

砥柱狂流實壯哉錢塘猶說怒潮來雙旌指日朱纓出
一劍當風皂幟迴笏必周鄰還借箸醪先享士且投杯
歲寒霜雪寧無意挺立因知社稷才

其三

凝香晏坐列芸編幕府森嚴畫鼓傳壯士當關飛羽箭
將軍橫海下樓船廟謨決勝寬期日民力勤輸逼歲
年緩帶未同叅佐語老臣白髮夜籌邊

其四

巖疆自昔仗孤忠宵旦經營四載同翼翼常如天左右
孜孜遍到浙西東風檣蹴浪浮湘外雪甲傳呼入蔡中
底定諸方先要領鄴侯還與慮成功

釣臺嚴先生祠并祀方處士謝義士

名賢擇隱若爲羣異代心期地不分百舌禽言虛轉谷
一川龍氣靄蒸雲佯狂北闕還垂釣慟哭西臺竟築墳
尚有行吟憔悴者至今三老動星文

南新關雨中夜泊

排江木筏水依垠漁火蓬窩各一羣夜入沉陰天故雨
潮迴急浪海常雲誰堪跼踏菰蘆好未覺迷茫鴈鷺分
近說故園風雪甚梅亭柳岸正思君

十一月二日晴

一日隨舟過小春桐江返棹又湖濱牽愁積雨如長夜
照眼睛陽似故人架晒衣綿猶有濕窗開錦帙却無塵
沿溪便訪寒梅去南北高峰出沐新

戴岵瞻王綏山招飲

湖山今日對良朋畫舫籃輿到處登客路同遊還遇客
僧房一宿再逢僧參差竹溜風前落瀲灩波光雨後澄
有酒不辭今夜醉行廚燒笋却相應

冷泉亭

幽尋愛到冷泉亭洗耳悠然問獨醒澗雪聲吹懸瀑白

按藍色洗衆峯青遊人拄杖穿紅葉小僕攜琴立翠屏
吾友堪爲投老地西來樹下坐談經

渡西興宿蕭山僧舍

十一月十三日僧舍
見月季花開聞鳩鳴

爲訪山陰過浙東翩然老友葉舟同吹潮海若干溪入
落照西興一徑通竹裏花開霜後雨林間鳩喚夜來風
還思渡口多新事負戴登車共水中

次韻

孤山鶴唳抱幽芳雪孕蓓蕾玉有香自愛西湖清照影
黃昏浮動月流光

其二

山陰士女竹林場筆吐花芬墨吐銚白雪調高環珮冷
天風吹透薜蘿裳

其三

白頭吟就賦凌雲臉際芙蓉老細君何似齊眉雙比翼
詞壇飛將早冠軍

次韻

天涯猶自賦閒居泛艇還思下澤車客意迎陽鴻鴈似
衰顏就下水痕如不堪永夜強耽酒未許張燈欲廢書
近接故人頻笑語揭來此地曳長裾

其二

寒波吹岸草蕭蕭棹返西興凍未消舊緒無端牽絡緯
新詩有意比雲韶梅魂潑墨爲清賞竹影籠煙見素標
剪燭憑誰談往事沉吟只似永今宵

冬雨歌

謂冬爲春冬非春冬行春雨饑無薪謂冬爲秋冬非秋
冬行秋雨寒無裘二至南北日不同冬行夏雨聲冲冲
銀河傾瀉來天上雷鼓驚翻出地中天漏從來四時雨
微陽盡洩復何功居人對此深嘆息留作夏雨何由得
苦是炎炎烈日紅舉頭不見片雲黑祈寒暑雨寧怨咨
當暑無雨寒雨亟雨霖霖風蕭蕭湖水浸山没六橋雨

東坡集卷四
之朝雨之暮肩柴腰斧橋邊住不惜桃柳掘其根但願
護却冬青樹

臘日遊顧季蔚園用十畝芳塘一畝宮句四首

十畝芳塘一畝宮雙扉影靜綠波中尋梅入塢虛窗接
看竹登樓曲徑通

其二

經營布置畫圖同十畝芳塘一畝宮路仄長廊迴棧閣
低欄坐倚小屏風

其三

古今懷抱藏吾獨注壑懸巖寓耳目十畝芳塘一畝宮

身閒何事復勞碌

其四

小樹茶花雪後紅畫眉聲轉桂軒東年登六表歡兒女
十畝芳塘一畝宮

廣陵除夜雪歌

九天冰液傾咳唾布絮蒙頭但高臥玉龍酣鬪怒未休
饑鳥啞啞集何求有客廣陵歲云暮彌天風雪茅屋住
凍徹千巖剌水舟梅花白徧吳門樹遼東鶴老化蠹魚
剪燭西窗夜讀書羊裘大澤招不得故人狂態誰親疎
君不見屠蘇酒辛盤蔬農事春晴問敝廬

東林集卷四
三
戊午元旦讀憨山大師夢游集

霽日照瓊琚僧留戍客書斯文今在也吾道昔非歟扣
擊洪鐘似波瀾大海如埋身冰雪窟抗志水雲居使者
求方急宵人技已摠讒言成貝錦罪案構簪裾民力秋
毫罄邦基柱石虛憂危關社稷痛激到丘墟世外心尤
熱幾先慮豈疎君恩慈孝備佛力聖賢餘炳朗珠函啟
昭回寶曆初老儒耽洛誦萍梗寄樵漁憨山大師即海
印和尚也有道
行天啟三年化於曹溪肉
身在焉夢游集其遺書也

人日同王武徵讀書

漫道新年客况新恰逢人日見同人遐心欲踏千巖雪

曝背還收四海春濁酒澆寒當共遣雄文豁悶許相親
須知清白傳家舊展卷晴窗未是貧

十一夜月過清水潭

揚帆擊楫遠聞聲啣尾舳艫度月明入夜星垂滄溟接
經冬水涸巨湖平浮槎此夕乘流上斷石何年奏績成
却憶廣陵橋畔雪迎春燈火待潮生

十二日舟中立春過寶應

東風吹纜引舟斜落日江城隱暮笳堅岸封泥生柳葉
濁流漲水種桃花修堤挑淺關民力解凍消冰驗物華
最是春光初入眼湖波影漾幾人家

十六日清江浦渡河

新春路憶舊來秋小艇長淮怪淺流曉岸霜華藏白鷺
宵城火樹閃朱虬潛魚陟水殊無競寒鴈隨陽詎有求
記取天涯芳草細芒鞋竹杖待同遊

十七日古城

遺廟巋然望古城籃輿拂曙逐堤行寒烟宿草從驅馬
曉日春林待囀鶯別夢初知鄉路近歸期漸覺客愁輕
浮踪飄泊仍新歲荏苒年華任此生

河堤春柳枝詞四首

春風吹雪細枝柔牽動長河一線流柳梢年年河上用
不知決岸幾時修

其二

三月楊花撲地開千帆粳稻入河來只今流淺河無力
弱柳纖纖傍水隈

其三

冰霜閱盡尚無家春水生時亦有涯若把柳枝封岸固
不將民命換泥沙

其四

安排青眼看人過比戶依然草一窩舊苦爭如新累急
新春柳較舊秋多

河淺

輕風拂岸去帆遲正月黃河見淺時雪盡全乾堤外柳
沙平遍露水中坻過淮細小猶相讓到海逡巡且自疑
轉盼桃花春信近漕渠又慮怒濤馳

十八日渡黃河新決口

春入洪流漾細濤登舟就陸又乘舸新渠轉惑初遊異
決口寧辭再渡勞刮面西風吹浪急迎人北岸擁帆高
須知修築千年事竹捷金椎計慮勞

十九日曉發宿遷對月感舊

往時燕市興燕九車馬乘春去訪仙既欲居官爭早貴

還思服藥乞長年黃金久鍊終難得白骨俄銷不可延
王母虛期青鳥使天街輸却白榆錢

司吾道中

麗日看山山自妍依山村落帶晴川風和鴻鴈留沙渚
雪霽牛羊齧麥田鳥語晨交三徑樹鷄聲午放一籬煙
不因客倦拂衣早便作春游意灑然

二十日過郟城縣治

至聖曾遊郟子國郟城城內問官祠占雲紀鳥窠陳跡
變魯從周只夢思過市虛聞絃誦在逢人想見典型垂
莫嗟百里徒勞吏一老高言帝者師

東坡集卷四
三
郟城傾蓋亭遇淄川王聖玉因及念東濟武返棹

吳門有作

長途無伴獨吟哦
好友翩然馬首過
越路游從閩嶠遠
齊程地入魯鄉多
芸編斐几當清晝
埜水閒園長綠蘿
取次歸來春酒熟
開囊佳句富如何

大風止李家庄

布霧垂雲鬱四方
遲留不雨合飛揚
橫空擊竅吹天籟
捲地鳴沙振土囊
掩目從教顛蟻垤
迷人那復辨羊腸
茅齋尚有容身處
老病何堪客路長

二十一日大風寒甚王家橋向火

強將病骨逐風塵
冷透羊裘自燎薪
祇爲却寒還附竈
既須趨熱且因人
非緣積凍留殘臘
似作嚴威勒早春
吾愛吾廬如此日
爐煨楮拙不辭貧

二十二日白塔曉行

歸心每向曉鷄先
野曠寒光夜色偏
似練瑤華霜皎皎
如弓曲影月娟娟
塵間夢醒山容出
海上情移谷響傳
幾欲棲心尋至道
愧將短髮負流年

葛溝河岸

春流岸澁尚餘冰
夾岸春生綠水澄
客子凌霜重冒絮
漁人向月早懸罾
一心自信愚無似
百事徒嗟老不能

只有故園三畝地疏泉好灌紫稍藤

看河陽一帶山

秋光約我及春還恰如初春又見山
椽葉經冬黃未落
松花浥雪翠猶斑清游觸景堪誰賦
冗句盈懷欲自刪
若就白雲終老計一茅真共野鷗閒

二十三日再宿蘇村作沂水春雪歌

舊年臘底渡江來過淮苦憶吳山梅
一自看山到沂水
風吹遍地梅花開冬殘對雪揚州駐
意望歸城雪滿路
行來處處起黃塵農夫仰面悲煙霧
清宵明月照逃亡
破屋空存但鹿場縣宰心勞泣祝雪
欲致哀鴻返故鄉

故鄉賢令真慈母淚雨丁寧盡苦口
天意垂慈降雨雪
人生何苦拋家走君不見舳舻斤斧
江浙木漕流淤淺
河淮瀆故鄉雨雪征徭寬及早歸來
春種穀

二十四日雪後發蘇村大風

劇喜歸途初見雪翛然竟向玉山行
寒雲乍散千峯影
朔氣仍吹四野聲宿草深埋微徑滑
層冰感步短橋橫
不嫌清冷侵肌骨奈是春寒滯客程

流移

軍需焉敢須臾緩民力其如困敝何
棄却田園寧自惜
行隨婦子向誰歌倉皇只爲饑寒逼
輾轉還因負欠多

東坡集卷四
三
谷賤年豐無救處虛將春雨長蓬科

二十五日自沂水至沐水舖

沂水城南雪沒脛沂水城北雪更深負薪老叟還趨市
當路飢鳥不就林凍結流澌平斷岸寒生積霧接濃陰
望晴又雨勞勞甚向火燎衣嘆且吟

二十六日曉晴

幾日茫茫雲霧裏今朝霽雪映霞紅身攜隻杖隨陽雁
帽裹重氈蔽朔風地散瑤花疎樹外山垂乳瀑細流中
何如置我嚴陵瀨拂水披裘一釣翁

雪後過穆陵關

憶昨秋風經杖底春來冰玉竦雲根遙依岱嶽開東障
近寫沂泉下北門白盡林巒三日雪青留烟火幾家村
莫將繻敝誇關吏驢背吟詩故篋存

山行

何處寒梅花亂飛千巖萬壑蕩晴暉石梁細溜經人過
林岫閒雲帶鳥歸眩目忽疑春樹老歸心還愛晚烟微
欲從清絕尋幽徑可有佳床對竹扉

薄暮

長途顛頓苦難支又是皇皇薄暮時世路縱然名勝好
人情終是故園宜百年藜藿安吾分一顧駑駘愧爾知

東村集卷四
即欲酬恩身已老挑燈旅夜尚沉思

二十七日晚月

雪氣朝來欲散溟東方曙色數郵亭霞流海上迴初月
影落林端挂曉星乍照鄉關猶有色纔驚客夢若爲醒
清光猶憶元宵夜挂海水天在戶庭

苦寒

風威雪虐劇相仍峻坂深溝躡復升自謂江鄉堪浩蕩
誰知海國轉嚴凝衣綿冷透輕於紙泥濘寒封厚作冰
欲借濁醪驅凍色衰顏酒力恐無憑

二十八日晚發臨胸有懷念東濟武二首

野曠無風曉氣寒微茫路向曙光看星垂戴斗天常近
海遶扶桑地自寬鳥語吹簧松萬籟溪流洗玉竹千竿
幽人家近蓮花社愛着春遊柳葉冠

其二

澗水林禽與我親冰梯雪棧待游人新年春近清寒日
隔歲客回老病身學廢何由佳句集才窮底任澁囊貧
柴門影靜白雲裏谷口還期訪子真

雪後甚寒過青州

齊城霽雪似江臯秀作山陰應接勞一夜林花生玉樹
千巖瀑布挂銀濤寒摧實苦羊裘敝凍逼虛傳鶴語高

自向泥塗消歲月凌雲誰復憶揮毫

二十九日淄河咏豐泉

夜出溫泉四境傳豐名祇爲兆豐年惟將乳液滋蒼赤
幸有清涼濯倒懸澍澤須當靈雨後清音即在德風先
谷王善下千溪集欲賦甘棠召伯篇

臨淄道中

霜林雪屋比江村水遠長堤樹映門種稻若能供賦歛
釣魚便可度晨昏寒風遠塞催來雁旭日平沙散牧豚
可是陽和春氣淺留將芳草待王孫

二月一日曉發博興戲爲俳句

齊南石徑冰常滿齊北沙田雪故稀菊綻輕衫隨鴈去
塵堆煖帽逆風歸一春自轉春光異二月雖交月氣微
即有晴雲開日霽寧無細柳逗花菲

午過蒲臺口號

畏冷回身向日行籃輿倒入蒲臺城楚音齊語疑門者
手引輿夫問姓名

其二

衰年野叟一囊書負雪南來臥竹輿寄語居人休詫異
曾聞潘閭倒騎驢

夕過濱州

東村集卷四
三
作客還家意緒勞寒煙落日澹林臯風聲怒起崩城角
海氣鹹深結地毛市遠求薪車轍古瓶空汲井繡痕高
也知民力征輸盡薄地春耕愧汝曹

二日流鐘口曉起聞鐘

到家一舍曉從容雨雪舟車路幾重冷照鄉心千里月
清回客夢五更鐘平生自省真狂客垂暮深慙作老農
近郭田荒耕未得却將吳越說遊踪

年宗卷同學弟新城王士禛校閱

東村集卷四

終

東村集卷五

霑邑李呈祥吉津甫著

東村詩

有序

詩三百篇皆本性情之正故樂不淫哀不傷後之
作者或皆過之大抵為境轉而失其性情之正處
約則多愁苦之音處盈則多放佚之語視三百篇
遠矣惟有道者不然彼其胸中有確然不拔之操
窮約顯達視之如煙雲變幻於太虛無着無入而
不自得故其言如水流花開莫非自然擬以三百
猶落言筌吁難其人矣余遍歷詩人山左得二人

東村集卷五
一
焉一則念東高先生一則吉津李先生高先生信
口皆詩頃刻萬言無非精義自非涵養學問莫能
至茲讀吉津先生詩雖機杼各別其一往閒適不
爲物累則一轍焉先生以前代老宿官 本朝官
詹遂以正氣發爲讜論至罹坎壈閱歷險阻不足
動其心及得遂初服養晦林泉其間可歌可慨之
境不一而足乃先生絕無鬱抑愁苦之音莫非陶
咏閒適之意苟非有道者能如是乎先生之長公
以壬戌魁南宮先生聞捷音不以矜意乃手書及
詩草寓意於蹉跎之王子商確風雅其胸次爲何
等也先生之鄉自濟南以聲詩壇坫宇內數十年
不相下繼起有人余何足以論詩哉抑惟先生不
可以詩人律之余得窺有道之言而論次焉壬戌

秋杪潭州王岱敬序

辛丑三月祝陽信杜子靜邑宰

和風扇天宇一邑足陽春本以君子德愛此耕耨民秩
秩成市井靄靄洽鄉鄰公曰民赤子民曰宰仁人催科
寧後期痼瘵嘗在身自奉惟脫粟溫敝寧求新慈母甘
劬育萬口祝大椿濟川需舟楫一祝登要津再祝多男
子桂玉森嶙峋對月祝舉杯光氣滿清晨

東村集卷五
二
次丁蘿月先生韻

吾生何所似竟是遼東鶴幾年華表飛還向故園落飲
啄堪自適清露未爲薄幸與君子鄰吟嘯同寂寞春雨
足發生閒庭自種藥手書樹下讀俛仰成今昨項領媿
兒童雅慕金石作願隨几杖遊耆德圖在洛

仲夏十一日夜聽雨作

麥事旣失秋憂早添衰痲前月雖得雨驕陽勢未退一
室苦炎蒸稚子爭咳吠微雲來淡薄日光互明昧不敢
望霑洒初意且變隸午餘時一滴薄暮稍云漑就枕還
側耳嘗恐仍中廢夜半聲漸急簷溜忽奔駭庭樹不鳴
枝原疇不破塊譬如兵啣枚寂不聞鉦搗沫不漂良苗
泥不滓畦菜八荒誠綿邈溥施何偏被來朝持茗椀椒
葉收沆瀣乃知造化心緩婉示深愛

壬寅春日竹浦招飲可園次韻

城隅小徑引蓬門管領春風自一園纔過清明花正發
參差紅樹照開樽

其二

歸來兩見故園春皂帽遼東舊逐人酒盡壺傾隨意臥
團雲爲蓋草爲茵

癸卯草堂成述懷四首

東村集卷五
三
小築成予拙歸來事事休掩關人自遠近市地仍幽雨
過榴花放風搖麥浪浮今年耕稼好饘粥老菟裘

其二

洒掃猶應習詩書詎敢忘春雲凝硯席喬木出宮牆老
朽身堪隱支離用已藏杖藜堪出入野外意何長

其三

寂寂當春晝無人徑草深簾垂雙燕語枕就一槐陰塞
雪吹殘鬢庭花照素心此生隨寄托矯首得長吟

其四

容膝今何地驚心竄逐時魂來傷死別痛定說生離信

宿還如客低徊且賦詩願言邀鴈侶一醉酒盈卮

寒外吟

犁鋤活計勉支持菽水蕭然奉母慈寸草有心還自問
何如塞外望雲時

其二

艱難庭訓手箴垂老大顛狂益可悲數卷殘書須好在
何如塞外岵瞻時

其三

臨風每羨鴈行宜對雨欣看棗樹枝坐守窮愁窮亦得
何如塞外獨身時

其四

黃精未劘腹中飢每飯於今念廢屢試看嶺南春夢客
何如塞外負瓢時

其五

故園語咲幾縈思少小朋情補亦遲閉戶經年緣底事
何如塞外掃門時

其六

虛舟浩蕩共吾之野客機忘白鳥知眼底人情皆熟活
何如塞外抱冰時

其七

中宵老淚洒羣兒菽麥難分只是癡拚却殘骸隨汝累
何如塞外畏鴉時

其八

十年深媿讀書遲千載文章信有師莫把遊談消晚景
何如塞外篝燈時

讀金灘唱和集輒爲短歌以贈三友

蘧菴

蘧菴蘧菴吾所思江南塞北今幾時白日西頽不可挽
黃河東注空復馳我欲相從且爲樂燒燈飲酒還賦詩
仲連

東村集卷五
五
仲連先生靜者儔高懷虞夏恣遐搜佳句不肯露筋骨
如飲醇酒覺和柔建安以後多儻父美人綽約凌清秋

爾成

我友我友獨深眷憶昔艱難命如線園扉執手重悲號
遼東鶴老雛翎變為憶灌亭掀鬚無河干風雪思相見

海豐道上同劍浦作

臘月春和得未曾騎驢行共舊時朋飄萍踪跡還初服
閃電年華對短鬢夕照雲流疑作雨前溪水暖欲消冰
西村書舍寒松在樽酒相攜夜剪燈

次前韻

遼東鶴化亦何曾戴笠驅牛幸有朋靜倚茅簷暄曝背
枯如野衲冷垂鬢縈心宿麥三冬雪極目寒雲萬里冰
節序催人添老大相過莫惜夜深燈

祝劉濬翁先生八十

人生苦拘促動如羊觸藩浩然凌空廓萬里恣鵬騫小
大各自適時運互寒暄惟此素心老堅貞守田園詩書
旨可悅謝絕城市言欣欣飽粗糲披褐有餘溫庭堦羅
桂玉上與青雲攀和風一披拂灼灼草木蕃

甲辰七月嵇漪園以歷城少尹來勘旱災奉贈

旱氣夏已極餘災秋仍熱黃見禾苗枯青知草芽絕種

東村集卷五
六
麥且失時還愁來歲劣有雲不作霖有壤皆成錢嗟此
下邑民盼滴眼中血惠風西南來履畝勤勘閱出門望
東北百里空塵垤時當萬寶登寥落窮冬節海波苦煎
熬鹹鹵不可啜惻惻仁者心觸目痾瘵切安得常平粟
賑施釋哽咽軍需難獨緩敢道催科拙只恐逃亡多轉
使賦稅竭急則望屋食何以戢剽竊炳炳丹青筆應爲
圖曲折

乙巳次丁蘿月先生十四夜月韻

修月傳仙斧天風淨玉塵經冬憂旱久入夜喜燈新火
樹初浮焰清輝欲滿輪關山曾不碍老病一閒身

十五夜月

最好元宵月光輝徹玉京萬方瞻北極一夜卜西成信
是燈前照疑從雪裏明羣遊人不厭獨對意還清

十六夜月

皎月圓如昨燈光賸有輝兒童歡未減跳走捷於飛冷
韻梅千樹香塵燭一圍吾從閒處坐遙聽踏歌歸

饑民謠

旱旣甚不得雨上是天下是土榆樹皮杜樹葉棉花子
和糠屑有一頓沒一頓喉正疼頭又暈懷中兒無乳哺
擲道邊猶回顧男爲傭女爲婢數升糠半張紙折却屋

露天宿幾架梁一食粥牛倒欄猪倒圈雞犬絕烟火斷
東村出西村入井泉乾井傍泣餓且死敢一言聞救荒
荷新恩米價賤已屢年完公稅急辦錢賤時糶貴時糶
自家糧他人喫晚納糧有赦免早納糧沒飯碗民之哀
民之災民之活甘雨來

秋日野眺

西疇禾黍接城隅竹杖蕭然取徑迂秋草暗時藏促織
夕陽明處立浮圖荒年乍熟如新歲老我嘗窮似故吾
不舍犁鋤隨釣叟誰云筆札擬潛夫

初度述懷謝來念者

五十竟無聞咄哉四十九來者詎如今往者一回首壯
歲蒙冰雪筋骨剩老醜自知心已灰誰云形未朽乾枯
抱樹蟬零落經霜柳提持小兒女瑣瑣化爲婦苦憶夏
時旱嗷嗷待升斗俯仰百無資艱難累老母茲秋幸薄
收黍稷實多有方媿謀一飽焉敢事杯酒無恙東籬菊
相對重陽後感此犬馬辰種種增予咎要當力田作還
爲長者壽機忘抱甕翁拙比揮鋤叟時邀素心侶自剪
寒畦韭

丙午早春分韻得江字

疎牖常閉戶點易就晴窗萬事吾何預寒威汝自降鴻

聲初出塞草色遠浮江猶幸聞高咏南金見一雙

其二

晴光開遠岫活水響淙淙東郭開春色南濠亦一江微
青生麥隴虛白在芸窗自足乘遊興風烟海上邦

次辛丑正月詩韻祝孫太夫人

遊子萬里來高堂喜相看長髯托綵服腰金美而燦膝
前隨長兄捧觴滌几案和風吹玉樹八袞開遐算七十
七年間辛勤在昏旦既老猶操作既貴猶汲灌勉子爲
良臣家國無殊觀小子疎野人祝語耻浮讚回思嶺南
行六見春冰泮

二月三日祝丁蘿月先生八十

昔我始生爲孺子先生已是三十年我今半百漸老大
先生矍鑠猶踰躑比鄰不遭鵝鴨惱時吟佳句互相傳
自言燈下能細書服藥何如高枕眠平生閱歷似昨夢
紛紛蕉鹿皆浮烟眼底朋儕誰笑語興來樽酒輒陶然
教子不急求富貴讀書靜處希昔賢先生養生固有道
胸中浩浩神恒全偶拈棋子消長晝縱未爛柯亦疑仙
此日開顏一瀟洒八十春光清且妍

濟南湖上亭同徐君實盧濟如孫耳之次吳左石

韻

百畝淪連遶北城亭開水面坐來清池中撥刺魚兒躍
樹上呢喃燕子聲吠犬竟依花檻靜閒鷗欲共葉艇輕
仙家白石猶堪煮人世滄浪咲濯纓

其二

問津今日也應知萍梗京華彼一時好友猶能同勝賞
餘生乍得續前期誰吹天籟和簫鼓自滌塵襟對鑑池
莫謂逐臣能作賦懷沙漁父未須悲

同徐君實盧濟如吳左石登千佛山次左石韻

古刹深巖一徑通春風瀟洒故人同潛虬洞屋還幽地
野馬塵埃自遠空舉酒那知爲客會爛柯真覺與仙逢
苔封石壁留佳句摸索長吟興不窮

其二

眼中吾老見諸賢童刵春衫三月天濟水北流千里折
岱宗南向一峰懸夕陽藹藹垂殘照城市蒼蒼起暮烟
欲下幾忘歸路近晴窗新咏白雲篇

寄蔚州魏環極先生

契濶何由得晤言窮居惟有著書尊自焚諫草歸丹壑
幾見春風到葦門絕塞十年勞夢寐故人一札寄寒溫
應悲明月屋梁滿憔悴形容照淚痕

寄曹秋岳先生大同署憲

東坡集卷五
一
自別邗江首屢回雲中一見報書來年華老矣思朋舊
宦况蕭然付酒杯沙磧初聞新過鴈月明一上舊烽臺
遙知清暑烟霞意歸興新詩且細裁

邑宰孫棐臣先生惠詩三首嘆其大雅率爾次韻
汲深綆苦短良宰慮初長四野空焦土荒衙有廢墻人
如歸召父地豈滯馮唐吾老兼貧病慙慙過草堂

其二

似有隨車雨窮鄉起頌聲艱辛心易碎疾苦事難平理
榻依塵暗吟詩就月明長安回首近倒屣幾逢迎

其三

三月霑微雨耘苗已後時號天嘗洒淚步禱竟生瘠民
瘼憂何極軍需計莫支只云學有用篝火向書帷

四月十九日祝邑宰孫棐臣先生

海上神仙窟邑小稱彈丸維楚有君子翩然乘青鸞愛
民如愛身服道乃服官愛民除其害愛身思所安度世
大還藥惟此徑寸丹慈母保赤子就濕而讓乾非不知
嚴急惻怛意在寬分析到秋毫弊狀須洞觀人情紛積
習和衆調辛酸當寢猶忘寐當食幾忘飡責成迅風火
敝席何暇完荒城夜擊柝步視星光寒大風吹欲墮攬
衣發長嘆蒸沙求得飯徒使心力殫吾斯亦足信吾學

東坡集卷五
不辭難六經為原本政治皆波瀾儒術未疎濶絃歌古
所歡佇見布甘澤良苗植琅玕頌聲徹天衢徵召速飛
翰仁者真仙人雙鳥五雲端

人生能幾何數十竟成五是為百之半將與壽者伍我
豈足壽哉蒲柳當速腐還思榮啟期帶索行且舞往日
既莫追來日將何補今年雙耳聾自幼眼如瞽昂首欲
一笑不知背已偻委形付造物愚陋從所取聞尋籬下
菊含蕊香初吐把酒共君子清霜老寒圃

戊申夏四月八日王思齋初度時以少司寇祭告

過里

畫舫乘秋指越山香輿拂柳共春還揮毫驛路傳佳句
把酒南州識玉顏寶象如聞慈氏偈緋魚自効老萊斑
也知朋舊足留戀爭奈蒼生未許閒

念八日遙祝般陽唐太公先生

榴花照眼艷紛紛鐵幹靈椿迥不羣涼到庭槐如綠雪
熱來隴麥是黃雲悠長日力書方讀活潑天機酒乍醺
自有萊衣雙戲綵未辭簪笏報雄文

秋九月奉送提督楊公

青齊十二古河山上將提衡士馬嫻自道披堅餘壯志

東坡集卷五
誰知顧曲起愁顏幾年隴畝鴻音集鎮日嚴城豹影閒
乍得江湖高臥地仍留麟閣待追攀

自用韻送蘇竹浦之曹州學正

未向淮南賦小山寒檀世業舊來嫻家人拾菜欣朝頓
弟子執經羨盛顏地只吾鄉非遠別書能數寄是常閒
清秋皎月猶堪贈上苑春花待子攀

用韻寄陸冲默同年吉安司李得請養母

著書每擬近名山司李持平却素嫻一日乞身為母在
三公崇秩劇歡顏秋來菽水尋常有客到琴樽相對閒
若向遼東詢舊事冰天玉樹也曾攀

初度口占謝賜問者

曾聞滄海變為田親見高丘陷作川此日此時還好在
分明身是陸行仙

其二

年過半百未為壽比似今年壽已多黃葉西風秋又老
最宜僻地養天和

其三

海內虛名吾豈敢稱觴宴會亦奚堪蕭然野服尋僧去
自祝萱堂禮佛龕

其四

東村集卷五
誰道迂儒老更痴收禾種麥也知時故人問我村居樂
把酒東籬自賦詩

和續咏蘭花詩為劔峰賦

之子澹無心孤芳將何寄浩然發長吟聲臭深遥契楚
畹足盤桓千載如昆季我韻在君懷君言在我鼻

其二

我韻在君懷君言在我鼻為此嘆者誰清響傳堦砌春
雨及秋露滋培固一氣乃知錫類心觸物見深意

劔峰李姓名見媛楚中高隱也其尊人有蘭花詩
亂後止存鼻韵二語自為續之又求海內詩人續
之余與先生皆有作今流傳
楚中聞此重為嘆息雪崖

野老負暄歌為少司空鍾宛開府作

野老負暄而歌歌凡十章其古樂府之遺歟夫樂
府之音遠矣以興起嘉會鼓吹大雅則諧於金石
被之管絃若野人之鄙陋無文又何取焉然政事
之暇試一諷咏即不得比於穆如清風之頌淇澳
菴竹之篇而與矇之箴瞽之誦或有合乎是則野
人之所為樂府也已

其一

風靜茅簷日色和負墻野老自謳歌晴陽便是黃綿襖
最喜秋來種麥多

其二

寒日冬深不出村
籬邊曳杖數鷄豚
輸完糧稅家無事
那有追呼吏到門

其三

白草寒烟接海隅
孤城海上似村無
時清只賴行寬政
地僻真堪老腐儒

其四

濟南南望盡名山
山對峨眉一水間
白雪樓高佳句在
只今誰似昔人間

其五

漕河計日輸三輔
杼柚經時念二東
自草封章陳大計
寒宵長對一燈紅

其六

蹒蹒羣彥府中趨
一士賢如照乘珠
只恐袁安深臥雪
臨風欲解錦貂褕

其七

旭輝長至線痕催
淑氣催花近臘開
自是袞衣須仲補
還知山鼎待調梅

其八

誰將荆樹比連枝
春草含香在鳳池
風雨對床尋舊約

東坡集卷五
詩成却是夢來時

其九

從來種德啟于門赤子羣依大母恩堂上萱花增壽考
堦前桂萼長兒孫

其十

一酌高提天北斗再斟還挹海東溟何如擊壤忘機叟
笑指蒼松雪後青

萬烈峰投詩三章實兩韻也次正

臘近寒深却暖然老農愛日自占天時當三九還宜雪
自有彤雲護麥田

其二

歲暮官衙增旅情寒窗讀易一燈明只如襍被尋知己
共聽山中鳥報更

除夜

一燈寂坐老何堪起舞燈前對影三濁酒不妨今夜醉
竒文可比舊時諳寒凝雪徑供高臥春轉梅魂試早探
收拾年華還斗室誰知佳趣此中含

己酉元旦

誰云寸草報春堪自媿流年五十三早夜雞聲驚欲起
長途馬足倦曾諳人情似酒須深酌佳句如珠莫淺探

東林集卷五
試向郊原尋霽景琳琅萬樹曉烟含

用丙午年韻寄祝孫太夫人八十於建安

元旦視考旋要在回頭看八十稱大壽禮宜篇章燦孰
如賢太守捧膳自拭案建安被慈德萬姓呼添算鶴髮
御華軒皎皎日方旦民勞急洒濯面垢得沃盥滄海故
鄉心猶作昔年觀吾不敢為佞殷勤致遙讚何由獻一
觴芹藻賦在泮

初夏送萬烈峯南還兼訊李鄴仙

海濱無日不風沙四月寒威掩物華正喜重來深笑語
誰知此別倍咨嗟空囊到處還收藥活水閒時自煮茶

客倦相存惟舊友芸編仍是鄴侯家

鄴仙即前續蘭花詩劔峯之字也
以善藥名湖湘故詩中云及之

初度次邑宰裴臣先生見惠韻

吾老行負薪袖書失其斧采山非采山何辭樵者侮黃
葉滿秋林提筐亦可取晚炊飽藜羹咀嚼在頰輔濩落
秋園中餘生但懷土往者豈有失來者寧無補不見九
十翁帶索歌且舞回思塞外遊冰雪蒙加祐遂令耽一
編腐儒存東魯所惜歲月徂瞠乎躡前武天地不跼蹐
何為自勞苦高臥感羲皇忘機即淳古

臘月念七日村居書懷

東村集卷五
歲晚將何事茅齋展舊書閒思千載上老眼數行餘雪
液飡松實雲根護竹居故人同寂寞相憶酒杯疎

庚戌春前二月商河道中遇陸冲默用舊韻

擬踏天門第一山春風竹杖舊曾嫻遙峯欲起游人色
小次欣承靜者顏既可抽簪寧厭早豈因捧檄未能閒
珠璣錯落驚佳句紅樹前林好共攀

夏六月十九日杜湄村先生初度

馳驅今日暫閒身宦况蕭然未是貧堂上慈顏涼到枕
膝前令器綵為裀天機靜玩還淳素世味多嘗只苦辛
莫到炎蒸無避處披襟散髮自由人

客坐隱次斐臣孫先生韻

昔人談奕旨如易說陰陽賢宰即國手坐隱一匡牀秋
夜吐新月老步過虛堂斗室開曲折小僕具鑪鑪對局
輒沉思拈子觸燈光不復聞人語但覺韻瓊琅屢得猶
恐忽細失切宜詳先事在補病上藥師岐黃勝笑豈偶
中大用必善藏以斯溯河洛圖書互圓方牛刀視下邑
五載寧炫長勞心惟熟慮有備免倉皇雞鳴夜過半起
視銀河傍

菊月祝大司空開府袁公

睿慮殷勤念二東駢蕃晝接大司空居然大旱爲霖雨

人在堯天舜日中

其二

秋清幕府靜無譁
萬里車書共一家
爲道滇南多惠政
時來齊魯問桑麻

其三

京洛遊從一腐儒
吟詩海畔自拈鬚
濟南今日聞歌咏
試看峨眉雪有無

其四

霜邊黃菊映東籬
城上南山對酒卮
杼柚民勞憂未了
臨風自覺鬢生絲

臘月奉送陳靖公之饒平游府新任寄訊周伯衡
遵化有拙宦給諫早清真
將軍同臭味何啻肺腑親
起家本儒者師武不辭貧
今歲暫移署赫然壁壘新
行廚秋未熟乞米向四隣
市廛旣安堵村落絕囂塵
頌聲竟騰達榮擢陟要津
廣南苦剗刼錐刀禍所因
一廉牛百威鯨浪息波
臣前往遇周子握手應悲辛
爲言茅舍裏酌酒待來春

臘月奇寒次韻

欲撥爐灰火已殘
敲冰無計理晨餐
衰顏最愛簷前日
病骨深驚塞外寒
驢背灞橋行不得
羊裘大澤凍相干

東坡集卷五
何人解咏豐年雪調轉陽春四野歡

邑侯孫棐臣原韻有九天風過
千灘烈百歲人傳萬古寒之句

辛亥元旦晴和

農家占歲喜微霜萬里晴陽逗曙光栢葉杯傳春灑灑
樞衡斗轉曉蒼蒼冰天已許和風入海國偏知化日長
不閱嚴寒那有此野人好整薜蘿裳

二月寄旻徠壽張主簿罷官

吟詩負板向河干計事優容歲已寬政拙真宜從下考
時清豈敢棄微官長堤莫問桃花水短髻無勞竹葉冠
猶有琴書如故我細君對案且加餐

壬子二月一日祝

來公

畫戟清香春晝遲南山當戶轉深思尊生用儉如丹訣
壽世依仁是導師欲使閭閻還揖讓須教絃誦比鋤犁
不嫌野老無新句瑤札相存憶昔時

三月郤凌玉過歷下奉訊

雨雪今春幾日晴春深花事未分明自尋勝蹟搜佳句
誰向窮途問友生老病不堪陪杖屨烟霞只欲對簷楹
還期樽酒論文處爲說天雄郡志成

四月十九日農家謠祝邑宰孫棐臣

切切田間語今春雨雪稠木冰其兆水雄雷旱之憂播

種幸及時未能知有收花朝到寒食凜冽如窮秋荏苒
迨孟夏天氣稍暄柔十二夜之夕冰雹倏盈杯既望夜
之半狂飈翻橫輻陰晴固難測生計將安謀惟此疲苦
民深爲官長愁有腰不得直往往成偃僂有口不得言
聲出吞在喉斯道遂墻壁跼蹐果何求努力自鋤田我
歌汝亦謳

癸丑仲春病中吟

誰云病久却能閒蓬戶春風自掩關歲月相看惟白髮
煙雲無恙是青山祇將寸草遲長晝擬著輕衫效彩斑
老去遼城尋昨夢鶴如傳語鴈如還

四月寄

宰 雲麓

高堂清暑甌生塵臘月綈袍寄故人自別海陵如夢寐
誰云刺史亦沉淪老年生意隨枯麥仕路遷除尚積薪
今日河流關國計司空家學舊能貧

秋七月送海豐吳在公之萬載任

天高胥隸大赫赫東諸侯叱咤起雷電咄嗟摧山丘盛
暑飛霜雪寒凜傾千秋赤子依慈母胡爲壯於頄吾黨
有君子攜琴赴南州萬載雖小邑絃歌得自由孰者爲
陽鱈入口輒棘喉孰者有餘味含咀旨且修莫謂邑無
人訑訑真足羞試過東湖側爲訪灌園儔恭惟堯舜世

敷政先和柔催科固云急敲朴將奚求一飯亦有報一
語亦有酬朝廷方愛民仁者宜自謀勉哉惟豈弟酌水
繼家猷

八月朔鹽山宰黃振侯初度爰陟版曹榮命方新
邑人愛戀頌禱交切予忝梓里近接鄰封老朽
不文俚言而已

繭絲牛毛束濕薪今日爲令良苦辛况是瘠邑在畿輔
鹽山濱海東省鄰奸宄盤牙恣出入逋逃往往伏荆榛
今日逃人人之蠹不緝何以安吾人緝逃中程應懋賞
一朝雙鳥登雲津令來何暮去何速萬家奔走吐蒼旻

令且矍然深有念撫摩二載徒逡巡視前司李竟何如
條悉利弊垂堅珉維茲八月旦初吉巖巖岱嶽降生申
安期丹棗大如瓜流膏玉露濯清晨公家忠宣老尚書
勲德奕代稱宗臣當時忠信著炎微交趾至今瞻勾陳
公卿之後復其始丕振前烈光嶙峋古來致治寧竒術
規模濶大先平均官屬司農爲計部計用良吏壽斯民
八月十八日李鄴園年兄家慶懸弧堂開畫錦老
友獻頌情溢乎辭

御府彤弓對盧矢東南鎖鑰 天顏喜喜逢盛世有賢
臣岱嶽生申懸弧始當軒温語問臣年臣年五十有二

東坡集卷五
三
矣汝臣長髯矯猶龍蒼生霖雨汝臣是福星在越壽星
躔光芒輝映三台起十二紅雲出上方彩鳳天吳繡紋
紫銀鞍玉勒珊瑚鞭青驄蹀躞長安市日近長安許過
門西風禾黍秋如水菁葱雙玉侍堦前繡祿麟郎美雛
子爲問同遊昔少年天香桂樹今何似肘懸金印令公
來父老歡呼衣錦里

中秋後三日同杜湄村李孟知武定東門遇雨有

作

相攜老友傷秋行斗酒相酬話月明何意東門今日雨
轉思北郭昨宵晴回當客路衣同濕避向僧房磬自清
莫道升沉難預計眼前不盡野雲生

九日胡又申明府見招陪郁光白暨令嗣彥卓回
憶塞上之別十有四年今始一晤明府旣光白
高第弟子而明府長郎又光白孫壻嘉禮初成
適逢令節時同座者王敦修霖公兄弟屬予作
咏以紀斯游

何年皂帽共歸來遼海齊城對酒杯鴻鴈自傳寒塞信
菊花偏爲故人開一時冰玉真嘉話百里絃歌有異才
試採茱萸吹鬢雪陶然須教夜深回

九月念九日祝繼泉李長者八十

八十年光鬢有華秋深霜淨棗如瓜蓬麻掩戶休心久
桂玉盈堦樂事賒每向東村邀野叟閒來北郭問鄰家
今晨恰是新冬節矯首晴雲映紫霞

臘月村居偕友人拈少陵句成四首

相送柴門月色新庭如積水月如銀即今朋輩村居少
珍重扶筇白髮人

其二

東村烟靄接西鄰相送柴門月色新似向元宵燈火夜
誰知冬底有陽春

其三

林泉攜手此何人共聽鐘聲出城市相送柴門月色新
微茫欲踏前溪水

其四

老檜凌霜幹有鱗空庭寒月伴閒身行時認取蒼虬影
相送柴門月色新

冬月讀書行爲范仲亮賦

四九未盡臘已半日光晴漾微風起吹來南岸讀書聲
金石雅奏盈余耳希文旣老長白山朝鑿暮鹽甘沒齒
賢侯嘆賞知音希往往懸榻開蓬蘼蘭絨縫爲嫁女衣
布袍溫踰狐貉美杯酒抒懷無媿辭手書殷勤到薪水

東村集卷五
古道相期豈世情寸心感結惟終始吾黨論交三十年
鶴占劔浦今已矣開卷還如對故人魂來寒夜燈明裏
紛紛衆說且覆瓿獨抱義經究深旨

輓鹽山褚斗華

養親惟養志守分詎遺榮傳家有令子受業多門生豈
必早騰達績學在老成仕路戒覆車藜藿安柴荆相望
百里內往往聞賢聲嗟哉長者逝束芻寫子誠萬物會
有盡不朽乃德名慤勤慰孝思文苑聽先鳴

春萱首蓓歌為邑學博文晴雪賦

春入萱花壽寒回首蓓盤首蓓年年貧不厭萱花日日
喜相看先生彩服當庭趨絳帳談經弟子儒美酒奉母
還自飲歲暮冷署為歡娛清源自昔盛豪華簫鼓樓船
富貴家自把一編風雪夜寒擅不暖意不嗟萱花有子
蘭有孫首蓓為葉桂為根會見繡祿春風裏稱賀諸生
盡在門

甲寅新秋送嵇漪園應薦赴楚便道省覲

雨後秋風淨遠塵翩翩書劔羨才人十年佐邑循良舊
萬里從軍拔擢新令譽自騰名不忝衰顏相顧意何真
還家且喜當清晝綵服稱觴薦老親

立秋次日七夕

東坡集卷五
昨夜秋風動碧霄天街初駕赤欄橋針芒有巧憑誰乞
徑路無媒祇自招獨守堅貞今日信寧知契濶隔年遙
銀箏錦瑟清涼裏便覺人間暑易消
其二
離愁合悅兩分明河漢迢迢萬古情玉宇雲涵新鴈影
銀洲水轉夜烏聲乘槎有客曾相見織錦何時猶未成
只爲秋風吹桂樹白榆天上好逢迎

次武定守何公憂旱韻

薄雲引雨行雨勢輒前却譬如汲枯井徒勞轉瓶索天
心本至仁旱魃敢怙惡甘澤隨車來四野歡耕鑿

八月初八日祝利津宰李鳳山

禾黍清秋玉露滋悠然彭澤賦新詩從來學道爲官好
今日憂民念母慈酌水閒庭看碧樹揮絃靜夜引朱絲
何須更着雲中鳥樂只聲騰鳳闕知

秋八月送邑學博文晴雪

秋風涼雨送先生祖道西郊見此行欲廢蓼莪真有淚
相看苜蓿却多情酒中累月賢人賦掌上擎珠令子名
念我不嫌衰朽甚誰云佳句比陰鏗

九月三日至西村僧舍

藜杖行侵曉露濃相攜老圃問秋容疎籬黃菊香猶歛

東坡集卷五
遠岫白雲翠自封病久閒心如落葉愁多獨語比鳴蛩
盤河十里茅庵路也有山僧解扣鐘

重九次日五十八歲初度

孫曾遶膝奉萱親徧插黃花又此辰謬妄愈知今日老
窮愁轉羨去年貧前身皂帽揮鋤客昨日白衣送酒人
自媿難雕成朽木誰將晚節比松筠

乙卯輓新安王五修明經

自我交介祺眉宇見紫芝立談得數語披豁更無疑淥
波生春水盈盈係夢思手書來漬淚亡友發深悲新安
有王子懷玉世未知先人清白吏紫峰文所垂蘇門授

道要入世篤相期姚江力擔荷學術急濟時瀛州佐戎
幕雅譽飛羽旗孰謂命不延馬足躡雲馳還念鄆城公
嶽嶽人中竒父子同淹蹇運數良參差迢迢千載志一
日林宗碑愧予衰陋甚滅沒中郎詞

贈王休心

休心今日可休心老友相攜入舊林萬事隨緣聊度日
孤身到處且長吟野人禮數宜從簡草舍杯鐺莫厭斟
猶有關情婚嫁累向平五嶽共誰尋

清和月祝河間叅戎孔公毅

將軍姿傑武瀛海屹長城黃雲搖麥浪紫氣蒸蒲萸軍

內齊歌呼擊鼓復吹笙瞿然深有念大庖澹弗盈夜看
雄劔動曉聽櫜馬鳴鯨魚猶未剪慷慨捋長纓云誰叅
幕府高士管公明白髮老介祺侃侃引儒生紫峯文不
佞古義凜冰清爲說鄧征西忠孝千秋名傳家篤世業
麟閣垂崢嶸於今賢俊人榮遇輝前旌飛揚耻一技小
心師老成還將朱鷺曲雅韻答昇平

讀孫徵君二難傳賦

我讀二難傳再拜欽英風慷慨魯山令一劔當羣兇擊
楫誓渡河司馬憐孤忠倘遂守關計社稷豈飄蓬司馬
旣狗國令老臥雙峯誰隨司馬死烈烈抱陽公抱陽一
縫掖有子殺身同至今傳檄語浩氣悲蒼穹徵君奮直
筆千載思無窮誰使管幼安皂帽北海東

杜紫峰爲詩見答次韻

同心舉目見高旻千里寧嗟道路分老去形如東郭子
悲來淚似望諸君桑陰減綠經春雪麥浪吹黃入夏雲
佳句杜陵真有法瓣香弟子許爲羣

讀養濟院碑文

閏五月邑宰劉永公重修養濟院自爲碑記

夏雲垂天風雨急貧老扶墻向天泣使非有屋得安居
彌漫風雨身何入爲問此屋造者誰召父辛勤杜母慈
寒者子衣饑子食露處無宇身宇之一叟自言八十畢

東坡集卷五
少壯從來無家室拋離吾土四十年今日歸來養老疾
仁哉我公父母如思貽百代豐碑書萬間廣廈庇寒士
扶掖疲癯意有餘濁河沒後多年旱溝壑展轉他方散
積逋清時復業多頓使煩憂解沃盥烏雀長日厰簷寬
笑獨拭淚喜相看願將盛世商巖雨淨洗甲兵萬里歡
次武定守何君謝事韻為送

甘雨隨車六月天鄰封曾見地行仙只今瀟洒拂衣去
瀨水羊裘釣暮烟

其二

葛衣蓆帽舊來貧勇退急流自有因明月秋風圖畫裏

太平林下一歸人

送武定守何君

辭官今日還鄉去履畝年時敝邑來念切憂民常下淚
身閒投老一啣杯誰云五斗腰堪折自趁三秋首不回
越水扁舟明月裏嚴陵灘靜菊花開

八月下浣旣拜老母八旬壽辰予感痰暈之疾昏
仆幾殆藥不奏效因是屏居村野冀以靜治為
詩謝諸親友

我思老萊子斑衣自事親豈謂為子者先有舞綵人年
老貴適志菽水展吾真有疾亟自養屏居謝城闈晚食

東坡集卷五
五
還數米樵歌且負薪非能學勤儉守分隨村民應門屬
諸子卑默師朴淳我病倘稍愈訪友唐河濱冰雪餘病
骨菊對東籬春

重九大松庄同李孟知賦

曉來濃霧闕烟蘿何地登臨可放歌病後新詩寧有幾
樽前老友已無多霜催白鴈寒如此露浥黃花艷若何
欲向名山尋舊約楓林紅葉擁青螺

和華仙韻

鶴馭來無際天風拂月寒雲流山自寂柯爛局初殘體
物神所在扶衰藥與安深知垂顧意雅韻起珊珊

和華仙咏海豐塔韻

佛閣凌雲起危峯海上孤青霜縣碧落曉日見浮圖鈴
語鳴還應梯空陟自扶千年如電影曾憶舊游無

嘉平月賀張子齊明經庭對

當年絳帳憶傳經藜火翩然太乙星遂有鯨魚騰碧海
今看彩鳳翥蒼屏仙桃自結三千日小草誰知六十齡
爲說賢良多盛事公孫對策冠彤庭

法黃石過蝸居入都惠寄新詩次韻爲謝并寄郝

雪海

乍見驚癯甚寬然帶一圍旬宣方岳重甕牖老夫微世

東村集卷五
路塵猶是交游跡竟非開懷談正劇觸目淚還揮附有
魚書去行當豸史歸螫龍春欲轉老鶴晝能飛料事看
著蔡籌邊寄帳帷高言吹玉屑雅韻奏金徽隱士徵巖
穴英流集試闈鯉騰波浪濶鵬運羽毛肥病益衰年態
啼從稚子饑苦吟窮未已遠望晚何依盛世方恢網無
才久息機冰天海霧接鳳閣曉霜霏海內傳封事蒼生
問繡衣

丙辰上元次樂三叔韻

攤書心自喜踏月步能來八十身猶健春從笑語回

輓丁介子令堂李孺人

持家不厭苦教子不厭貧熊丸有餘味拭淚多悲辛清
白留慈訓存歿培天真肯以俗所羨易此道之真一椽
寄荒野尺壠伴松筠彤管傳令德春日麗青旻持以報
君子三鳳聲嶙峋始知賢達士以禮榮其親

上巳日寄學史錢珥信

問年六十度浮生雨後春疇好力耕老去休心如鹿夢
閒來照眼似花榮不嫌潦倒經時久未厭疎狂與世輕
翹首濟南天半雪人傳佳句趵泉聲

重九後一日六十初度次范仲亮韻

黃花九日正佳辰今日東籬昨日身塵外新詩方味永

眼前老友益情親
薄田自昔爲耕獲
寒水何時試釣綸
不意餘年登六十
冰霜萬里故園春

秋懷

眼底朋儕盡
秋高歲月侵
寒花籬落色
遠鴈雪霜心
偏窄憑誰遣
淒涼不自禁
朱絃塵斷匣
喟絕爲知音

其二

未有尺書寄
相尋夢寐中
離懷驚過隙
醒淚落征鴻
人事朝朝異
秋光處處同
不嫌雙鬢改
引領過涼風

其三

無端兒女意
老態強隨人
坐困還春米
行歌且負薪
霜

濃兩眼醉風急
滿頭塵浩蕩
將何適江湖
愧隱淪

其四

窮老嗟無計
寬愁問濁醪
填胸尊泰嶽
烟目數秋毫
小徑行疎柳
荒園隱短蒿
招尋求仲意
白首惜予勞

除夕

春近歲除將解凍
凍因春解歲先除
燈前白髮驚身老
酒後紅顏嘆友疎
爆竹兒童還笑語
圍爐齋閣自清虛
知非伯玉隨時化
六十年過媿不如

丁巳元日

兵戈淨洗罷烽烟
海宇清平萬里傳
瑞現龍文瞻舜日

寒傳鶴語紀堯年莫愁穀賤逢荒歲且喜雲開對遠天
雨後一犁吾有事老農相伴好耕田

正月念一日西郊

出郭春光處處看陰晴倏變轉春寒搏風疾上成羊角
仆柳枯餘化鼠肝徑雪纔能容緩步溪水漸可試垂竿
爲尋古道遺編在投老方知宇宙寬

春雨歌爲署邑篆程廳尊賦

東風吹海輕於紙海底珊瑚化香水忽驚鵬翼蹴鰲頭
全傾鮫淚淹龍耳節近寒食雨有靈坐使塵沙變清泚
風伯怒發正愁人雨師翩然動歡喜喜雨如珠珠不如

喜雨比玉玉難比食珠何如麥作食被玉寧比桑爲被
細洒麥苗交翠葉淨濡條桑舒綠綺海棠乍吐杏花紅
垂柳斜拖丁香紫斥鹵荒城一僻村歌聲四徹蒼烟裏
誰爲霖雨惠蒼生繡斧使君家世美願爲霖雨應春和
海不揚波風不起

寒食雪

雨雪當寒食瑤華處處飛潤紅殊瀲灩積素却光輝火
乞鄰人去薪遲稚子歸窮居幽興愜不待掩荆扉

其二

寶馬郊游阻羊裘臥亦寒墻低園杏出天遠嶺梅看隱

几占來日啣杯憶舊歡
早知春水濶好把釣魚竿

六月六日北園小集次丁仲昭韻

一畝荒園北郭開
清言消暑好朋來
雷聲繞塔空先動
雨勢侵城近却回
入座都忘棋幾局
出門纔見月相陪
傳來佳製如雲錦
拙句衰年祇漫裁

六月十九日杜湄村初度

經營岳牧望方新
霖雨蒼生頌大椿
讀禮幾年還報主
啣杯今日倍思親
烟霞勝賞餘豪舉
兒女關情共老身
應憶松庄明月裏
輕衫蓆帽對龍鱗

念七日祝武定守徐君

臺綱肅風紀直氣始一振
當時推總憲遺愛今在人
公侯世必復作牧棣州民
棣州近般陽藹藹即鄉鄰
先業必紹述輿頌爲之新
登堂稱壽者繪圖比大椿
譬如久焦灼霖雨潤澤勻
野老無所獻祝詞祇曰仁

法黃石見寄新詩二首次韻奉答並呈郝復陽

抱甕瓜畦水繞籬
開緘又見寄來詩
傭書自勒銀鈎帖
獻頌須標銅柱碑
京輦塵飛衝暑氣
屋梁月落動幽思
不堪老淚頻揮洒
白首論交祇自知

其二

尺素殷勤念遠離
加餐還欲細論詩
凌雲試筆能無賦

待日之官詎有辭老至移家窮作計閒來課子苦爲思
炎蒸襍穢妨投刺佳句須傳侍御知

九日寄法黃石時郝復陽將往兩淮

重陽不見菊花開寂寞東籬對酒杯此日鄉心隨落葉
幾年病骨在金臺青驄步向雲邊出白鴈聲從塞上來
曾是天涯留滯者綈袍誰念濟時才

初十日六十一歲初度次范仲亮韻

研朱點易向前軒丁巳年周又一元遠舉蒼龍凌岱岳
砥飛片鷁共兵燹秋成菽水還將母老對松筠更抱孫
却喜高人傳滕句欲從學海問詞源

戊午二月爲李鄴園賦讀書樓

元老功高天下聞瞿然深念在榆枌東南幕府開春樹
西北鄉城藹暮雲乍得扁舟同話舊還思畫閣對論文
佇看晝錦輝緇帙鄴架書成上相勳

初夏送湄村之任汴梁

南北勲名幾處過中州古道遶黃河春深一夜桃花信
力極千年瓠子歌嚙岸長魚吹浪急緣堤小蹇負薪多
驅車須念民勞甚郡邑風清吏治和

其二

叅藩建節大梁城物候鄉心乍送迎雨浥榴房紅玉簇

東村集卷五
風吹麥浪翠旗橫懷人作賦登臺迥課子繙書對月明
試向信陵祠畔望東門可有老侯嬴

九月十日六十二歲初度次范仲亮韻

故人歷落望晨星莫咲籬邊醉瓦瓶晚對寒花堪冷淡
輕隨墜葉憶飄零霜知種麥還爲雨雷欲驅蝗故作霆
來往西村成二老龍鱗細認古松形

己未正月念八日祝邑宰黃緯真讀書歌

黃侯家傳萬卷書筮仕束裝書滿車不嫌僻邑凋殘舊
惟喜官閒誦讀餘庭空吏散復求友把卷呶唔常在手
門下諸生問字來論詩自顧東村叟村叟行年六十三

耳聾眼眊百不堪愧作蠹魚紙內老風雅敢向古人談
從來學古優爲政動者如煙靜如鏡莫羨城頭姑射山
萱堂慈母棣萼暎秘閣蘭臺忠孝家棠陰春雨潁川花
願將百里絃歌地卿月台垣照紫霞

夏五月祝樂陵宰孟

吾年六十三人喚東村叟相望百里間虛齋實吾友畏
事常杜門經年罷杯酒顧於茂宰賢贊誦不啻口樂陵
亦巖邑壤接滄州久撫字須多方擘畫賴巨手軍需急
催科辦供敢遲後以斯周疲氓豈曰非慈母時哉澍雨
來潤洒蘇枯朽麥穗稍成秋榴花照虛牖念此遲鈍翁

東村集卷五
文藻復何有登堂獻蒲觴高並南山壽

仲夏十九日壽光魏儉菴舉子

壽光司馬古遺直傳家羣鳳式珪璋仲公致身在中秘
抱竒不試甘伏藏種玉瞿然念嗣續珠騰掌上真輝煌
天畀麒麟來夏五瑞生吉日兼辰良老夫聞之喜欲躍
當時遼海曾冰霜令子深思惟忠孝諸孫頭角森開張
荀氏八龍原濟濟今茲稚者啼聲強早讀父書把祖笏
吾猶見汝登玉堂

重九次日六十三歲初度次邑宰黃緯真韻

憶昨登高只漫遊閒雲却為菊花留徒聞海上飛蓬島
竟見塵中蕩沃洲乍可驅愁聊命酒不須作賦亦吟秋
只今賴有循良宰野老謳歌百里侯

其二

彈鋏無魚漑釜鬻古來隱士有招尋農耕瘠土牽馴犢
吏散閒庭下暮禽禾黍粘泥成粒少蓬蒿沒雨閉門深
裁雲作錦傳新製欲補山龍試綉鍼

次范仲亮韻

衰年無可說報壽一空函齒痛為心病耳聾試手談花
黃秋正九月白影還三不擬橘中叟吾家問老聃

秋杪寄孫忞庭

東林集卷五
照眼晨光醉不言輕舟坐擁布裘溫南來鴈影知風力
東下河流驗水痕故國青山今日見同遊白髮幾人存
松楸省墓陳情舊幸許閒身入里門

其二

桂樹秋風昔壯哉宦成還向濟南來心閒自許長鬚好
齒豁誰嫌笑口開獨坐棲遲司馬貴危樓想像于鱗才
芒鞋竹杖容吾往握手湖亭對酒杯

仲冬望三日祝利津宰黃恕菴

宰邑推英妙承家美象賢棠陰春共接花萼壁相聯禱
雨憂無歲驅蝗願有年殫心思拯救切體訴顛連只道
軍需急誰知正稅蠲催科如未緩疾苦更何痊掃土尋
糠粃充腸斷粥饘嚴風吹露肘凍雪沒僵肩欲寫饑寒
狀難將繪畫傳民艱期洞徹惠政務周全野老勤咨訪
書生喜接延鳳吭卿月曉麟趾夜珠圓故事方綸閣循
良繼穎川椿庭遙獻壽海屋數盈千

念九日法黃石到舍惠詩依韻爲答

燕市黃金舊築臺故人寒夜葦門來支藤病足驚無恙
朽櫟全生幸不才稚子求書爲命筆殘年對酒莫辭杯
直須剪燭西窗裏絮語晨鐘客夢迴

其二

寒深客路敝裘涼燈火荒城似野莊大地冰堅龍向蟄
空山雪滿鴈隨陽流離故國人饑甚辛苦京華味飽嘗
莫謂吹春遲黍谷鏗然雅韻引清商

嘉平月三日祝利津魏重光

五斗折腰彼一時歸來不賦淵明詩澹漠秋容媚幽谷
爲園自藝東籬菊丹砂乳液菊潭叟口不吟詩但飲酒
撲窗梅影雪花飛香在籬根照瓊玖幽菊寒梅晚共研
吾徒得老且安眠即今欲作者英社記取重陽臘月天

祝武定游府鄭

武定分閫地鹽雲在北鄰干振東到海烽堠接天津屬

汛之戍卒登鎮往來頻以此思治軍要在恤窮民鄭公
肅節制體恤惠常均幅員雖遼濶警蹕無風塵投醪鼓
壯士折節延儒紳周旋歲滋久見者顏色親野老不習
佞謳歌徵其真築壇推上將早與畫麒麟

除日

十七年冬十二月立春十九
年春正月立春時冬底散賑

臘至春光逼歲新只因臘盡却思春一年活計看如此
百日晴陽未負人嚙草爭教荒土盡炊舖竟振普天貧
救荒莫道無竒策發粟常平惠自均

庚申元日

是年兩次立春又閏八
月犬馬之齒六十有四

三冬不見雪花流元日占晴咲語稠恰是行年符卦數

東村集卷五
更逢置閏再春秋椒花對酒猶相憶竹杖看雲亦自由
為報豐年舒望眼青回壠麥潤平疇

初夏田居詩次孫忭庭韻

雪塞餘生似乍歸田園夙願未相違閒心細數花鬚落
活計欣看菜甲肥南陌東阡時策杖輕風曉日一吹衣
牧童牛背猶橫笛笑逐前林野鳥飛

其二

長風振木起松濤似有潮音沸巨鰲縱目青山臺上出
支頤白髮鏡中消虛亭北郭人相訊老樹東村晚自標
回首同遊諸少壯祇今馬齒數子高

其三

尋春須教酒杯添裊裊黃鸝語韻纖度水穿林行有興
看花藉草坐無嫌誰猶抱虎威堪借我亦知魚樂在潛
夾路垂楊飛絮急夕陽影裏認懸帘

其四

活水吾師靜自聞夏初好雨洗氛氳培風旣負飛鵬翼
控地還容斥鷃羣麥穗平疇吹翠浪桃花遠岸閃紅雲
農家只願逢豐歲百畝無勞暑上勲

其五

別業城西八里莊十年種樹近成行看雲每羨孤筇健

東坡集卷五
照水俄驚兩鬢蒼接葉移根還作屋牽枝引蔓自爲牆
也知稼穡關天意蓬蘽何能救歲荒

其六

蝶翅鶯聲處處逢藤花艷比紫芙蓉茅亭四廠歸雙鳥
丈石孤騫對一峯有客忘機游鹿豕無人把釣問魚龍
不須再煮黃梁熟醒夢先聞塔院鐘

其七

步屨城隅向水阿荒園花落鳥聲多酌來蕉葉聊吞酒
興就竹枝且放歌問字誰尋垂柳徑貪眠自愛懶雲窩
柴門未必常關住拄杖交頭野叟過

其八

爲農爲圃自由身皂帽頽唐舊野人菹芹如可供丹陛
曝背還堪獻紫宸一日清閒真是福百年粗糲莫言貧
殘棋欲罷槐陰午老友何妨咲語頻

其九

無才不敢羨公卿老作蠹魚畢此生數墨尋行成底事
雕花鏤葉欲何營衰顏未許供高臥瘠土須知在力耕
二麥迎秋新雨足荒年穀價一時平

其十

摧殘朽櫟絕鋒稜匠石求材置不能寶瑟虛彈雲外曲

東坡集卷五
五
琉璃夜貯佛前燈學如探海茫無際路比遊山到幾層
白雪樓高誰嗣響凌雲詞賦昔人曾

贈毘陵周杲如

東侯絕藝舊來傳新局隨心又有年瘦腹肥邊君自悟
不知一着是誰先

其二

燕南齊北客衣輕兩度中秋好月明鬧裏奪尊紅葉子
塵中坐隱玉棋枰

其三

茅菴近築就僧居欹枕閒翻貝葉書照眼秋光供白醉

輸贏幾局黑甜餘

其四

老病秋深只閉門誰敲棋子倚槐根局中歲月長如許
對着仙人坐不言

重九前一日范仲亮惠詩祝予六十四歲賤辰次

韻

衰年讀易仰羲周竄逐餘生幸白頭節近登高來鴈羽
寒催落木理羊裘不堪歎歲仍多病猶許閒身趁早休
夢入磻溪供一咲誰云釣叟晚封侯

贈張明我孝廉

東村集卷五
支離病叟一閒身幸遇良師藥我真自數三元從甲子
誰將二豎守庚申懷人欲踏剡溪雪作客能忘上苑春
便道瀛洲非遠別南來鄉信莫辭頻

子月祝武定守徐

臨德解米歌

臨清倉德州倉山東處處輸官糧叠遭荒歉人饑死兩
倉願改隨漕米負米攜銀價倍增倉胥解役分肥耳鳴
呼兩倉收米今幾何饑民骨髓已無多武定州守心惻
然痛哭面訴司倉憐持籌不敢橫索錢省得升米換糠
斗不圖飽飯聊糊口吁嗟乎臨德解米棣州守

賀武定守徐

陞戶部員外

今年瑞雪應寒冬樹掛流澌麥壠封幾見高賢還下榻
爭聞野老自扶筇甘棠蔭接棣城樹皎月光連長樂鐘
民力艱難君最悉持籌好佐大司農

其二

山公啟事五雲開郎署新推濟世才駿足人看騏驥出
和音政許鳳凰來雲湖夜棹飛清興燕市春燈展巨杯
每憶皂囊言路闢當時耆艾領西臺

歲華集題辭并次韻六章

逍遙堂上千章木常送中宵風雨聲悞喜對牀尋
舊約不知飄泊在彭城讀穎濱此詩兄弟聚首而

東村集卷五
有離索之感歲行盡矣風雨淒然紙窗竹屋燈火
青熒時於此間得少佳趣讀東坡此札他鄉獨處
而有友生之樂况乎賢主嘉賓冰清玉潤賡歌雅
奏壘篴互吹者乎然以俚句叅之老農叩缶細語
歲時即兩蘇先生亦為之一噓者矣

次度歲韻

孤城海上晝常關仙令齋頭姑射山白雪陽春供度歲
一時賓主劇歡顏

其二

老景侵尋看歲除春聯索句也躊躇祇憑濁酒消今夜

醉裏閒翻架上書

次除夕韻

雪塞思吾友萱堂壽作朋晨光團牖甕夜月引樞繩歲
底新何益生涯舊可仍兒童喧爆竹一咲昔時曾

其二

眼看六十五天與半生閒憶過丹陽郭往來江上山誰
知邀勝客投句起衰顏欲擬瓊瑤報長言未可刪

次守歲韻

歲晚逢知己懷鄉未許愁長吟風雨至短鬢雪霜留潑
墨同揮洒傳杯自勸酬縣衙如屋裏清夢共悠悠

次辛酉元日韻

袖裏羅浮萬樹春攜來小邑喜良辰豆芽早應三朝卯

麥穗徐占七日辛

正月三卯宜豆是歲正月七日得辛

調起高山琴再鼓

香傳玉液酒初巡河陽漫道花如錦農事勞心已幾旬

次黃叔明韻并寄賀同菴於任城

花前風雨餞春愁對酒看花亦勝游緩步過門欣掃徑
長吟倚樹欲登樓衰顏潦倒餘黃髮妙句清新甚黑頭
賣藥韓康今叔度任城地煖麥先秋

辛酉四月之晦茅屋落成適舉第三曾孫賦詩紀

事

休心真已矣容膝欲何爲牖戶陳三瓦榆枋就一枝艱
難生自窘老詩計全痴唯向孫曾咲他時汝輩知

其二

掩戶三春過開軒及麥秋聞鐘宜近寺對樹好爲樓老
友看誰在竒文賞未休藏書何必富卷帙散予愁

其三

從來不飲酒展卷一高歌漸覺槐陰重其如桂樹何論
文寧有得築屋亦無多只此棲遲意誰云安樂窩

其四

草草還消日勞勞只送窮支銷憑匠作布置付衰翁咲

東坡集卷五
砌榴花放窺梁乳燕通浮生隨物理農圃一微躬

八月祝李鄴園年兄

棣州西郭外嘉樹森扶疎人指午橋莊云是晉公居功
成淮蔡後池長金鯽魚閩笋與越蕨味讓畦中蔬炊黍
流匙滑棗熟秋雨餘醉歌桑落酒咲讀腐儒書長髯久
已白六十壽方初田園幸未荒乞閒胸臆舒遙知勞案
牘結想試耕鋤返照清陰遠優游問吾廬

中秋後一日次賀同菴留別韻爲贈

每從蕭寺過柴扉裘葛經年換客衣夏雨嶽蓮如送別
秋風江樹却言歸聯床夢與尊兄在把臂心期老友稀

說向慈闈堪一笑鱸魚味似海魚肥

其二

高懷未擬賦窮愁藥裹詩籤是處留天下文章看皎月
吾徒意氣對清秋登山自欲書紅葉照水還應念白頭
記取江南名勝地他年好伴老夫遊

重九日城上文昌閣落成余與舍弟陶津陪賀拓

菴暨令弟孟循往觀

路入城隅一上臺橋門玉柱勢縈迴微風水與蒹葭永
曉日山當埤堦開木落江鄉紅葉下潮生海岸白鷗來
不須更把茱萸佩此日高賢看舉杯

其二

天涯嘉會詎相邀
調比壘篋近可招
菊蕊稀疎芳草徑
鶴音嘹唳夕陽橋
也知落帽吹蓬鬢
猶欲憑欄理玉簫
記取登高逢勝日
文章奎壁倚層霄

重九次日六十五歲初度范仲亮惠詩次韻

曾聞鶴語化飛仙
鴈字還從塞上傳
作客窮愁驚異世
爲農水旱苦今年
閒時掃竹看雲立
老倦拋書就枕眠
籬下黃花開向我
對花酌酒賦初筵

壬戌二月四日郊行偶作

出郭呼童子牽車
及早春無才堪棄
置得老幸沉淪阡
陌行時舊雲山望
處新雪消餘潤在
原上見耕人

二

歲序猶相問年光
好自知一編穿蠹日
十畝飯牛時野澗
原無限春暉詎有私
且尋芳草去近與
杏花期

夏六月賦邑宰黃緯真千頃書屋兼紀禱雨

斗室對老樹矯矯
蟠龍形微風拂虛
牖韻諧笙竽筆靚
深此後閣慈績
殿前庭布席僅表
丈汪汪千頃清
讀書如磨鏡力到
光輝生埃氛遠相
避瀟洒竹几橫煙
巒展圖畫潑墨寫
蒼青活火煎新水
片芥發芳馨喧不
關酒史靜却宜茶
經未暇臥涼簟早
氣逼炎蒸齋心勤
步禱

奮欲排空冥時哉作霖雨四野騰歡聲

樂陵邑宰錢荔若時雨歌

五月不雨已無麥六月不雨且無禾無麥尚望禾成粒
無禾無麥民奈何循良之宰真慈母以民爲子乳其口
正當大旱飛甘霖禾黍油油綠萬畝慈母耶時雨耶誰
其誦者樂陵之人耶

重九日晴入夜大雷雷次日雨猶未止歌以紀之

九月九日登城隅赤輪騰躍清輝殊滿城風雨亦偶爾
矜爲佳句何其迂文昌帝主握元樞俯躬肅拜慙腐儒
昨日臚傳新策士嘉言炳炳陳唐虞暄熱抵暮月初上

墨雲旋繞形如鳥五行舊占當急雨盼望農家信有無
就枕不眠驚掣雷雷公搥鼓神龍趨蟲妨害稼亦已甚
秋高餘厲應驅除耕田種麥時未晚仆禾晚穗猶昭蘇
雞鳴不已夜復曉劇聽簷溜箏笙竽天下蒼生待霖雨
秋行夏令深泥塗老夫起立嘆且吁六十六年水中鳧
重九次日六十六歲初度次范仲亮韻

六十年來又六齡華顛應見老人星籬邊月影如花影
松下身形似鶴形對酒懸看天北斗登高側望海東溟
只今耆舊能新語歲歲瑤箋到草亭

次孟知韻

東村集卷五
方朔何曾在漢京虛從塵世說蓬瀛寒花自應深秋節
諫草誰傳昔日名踏去芒鞋憑地穩攜來竹杖受風輕
莫嫌村僻無佳况到我柴門有月迎

賀孟循示我九日枕上詩次韻并寄賀拓菴

古來九日多佳句老至頽然謝不能對酒遙思人自遠
扶筇近覺病相仍游踪只似隨陽鴈息事爭如面壁僧
莫向他鄉嘆節序茱萸兄弟插誰曾

其二

風涼好向土床眠海國秋深擁絮天已到重陽稀見菊
空過八月未聞蟬年來水旱憂田舍老去交游憶座邊
纔欲歸時歸便得不須料理看囊錢

其三

江南最好登高處對起金焦水一方萬頃波澄霞尚紫
千林楓冷葉初黃凌雲自欲題鸚鵡醉菊何嫌典驢驢
待我招尋知未晚蘆花深處賀公莊

十月五日西郊觸目

寒原秋盡可如何出郭相尋傍晚過塔湧招提飛鳥入
城開埤堦夕陽多迎霜黃葉明疎樹斂霧澄潭漾淺波
殘穗登場猶自急青留壠麥聽農歌

二十三日晴

東村集卷五
老向清晨怯茅齋午自宜寬留容膝地愛切負暄時劇
藥寧無益箋經詎有知顧予非飲者釀黍亦何痴

祝樂陵宰錢荔若太翁二思壽

丹陽賀先生屈指推大雅錢公實高賢政譜家傳也樂
陵百里間謳歌歡四野以是壽斯民禔福歸仁者粉署
待壯猷鳴琴試陶冶江左諸君子珠玉斯揮洒老夫得
咏吟瓊玖貴盈把山東之鄙人望風拜手下所願治術
成禮讓登田舍邀我醉村酒扶杖觀春社家家祝大父
樂只開樽竿旌節自天來兒童迎竹馬

又作

風流古越舊知名籍甚京江珮玉聲茂宰花封登吏治
神君畫省陟仙卿時逢歲臘人同樂春入寒梅韻自清
遙寄岱峰千丈雪金焦對映大江橫

金右黃自桂林寄示五進士詩展誦迴環久而成
句一依原韻用抒遙懷

千百世聖人同然祇此理如時之行四行者無異白藐
焉貫三才曰惟心之以又如日在天有目皆能視道豈
有私哉紹述斯為美猗與田野儔徒步賁其趾每喻蓬
生麻夾輔當不靡師友行可求請益敢自是莫忘冰天
時僵凍甘一死中山至容城三賢重相委徵君交太常

東坡集卷五
運際室如燬隱旣靜修偕烈豈椒山累金谿與建安並
立孰敢毀致知致吾心姚江呼之起此言不河漢欣賞
惟雪海錦江十六疏先事示臣禮元濟果成擒胆落真
御史抹焚爲上客突曲薪則徙賈誼治安策痛哭淚揮
灑蔚州直披陳環賜不復待猶禱徵君疾端甫謁孔子
薦達慶彈冠夔龍見肩比只令畿輔間吏治清如水粵
右聲相聞憲度肅繡豸遺訓體昔賢爲仁乃由已四海
正昇平勲勞公等在雅韻奏簫韶刑清空狂狴生逢堯
舜世用舍皆足喜鹿公有曾孫文囿開榛杞蘇門稟高
尚厥孫振懿紀縹緲銀州雲高吟驚稚齒疊疊願學堂

一鳴先多士豚犬久蹭蹬微名附末紙前輩典型存致身
須次第閭苑集鳳麟和風噓桃李藉甚諸先生世好通
喬梓萬里羅浮花夢向璫枝倚慙懃囑征鴻開緘冀采
菲自昔淡素友餘味回甘醴出處雖殊途勗勉曷能已

次金右黃見懷十四韻寄於桂林

太息吾衰甚低徊好友心停雲勞悵望往日惜銷沉粵
右山殊遠湘南水故深探竒隨屐齒念舊整衣襟落月
看長鉞輕風拂短簪堯城星自聚嶽廟石同尋把臂留
佳話拈鬚見苦吟阮公方命酒宓宰正彈琴有興巒烟
入無憂洞霧侵中丞驄馬足幕府鴈鴻音椎髻徵徭俗

東村集卷五
虞衡問志林樓臺延霽景埤塊接巉嶽博慮須聞頌
言亦獻箴瑤箋珍重意點墨果如金

除夜雪

每到冬時思見雪今當除日雪花飛年來屢旱憂蝗劇
歲底濃陰喜麥肥剖橘羣雛喧咲語懸燈幾處落芳菲
扁舟忽憶看梅去爭似春郊步玉歸

癸亥元日晴

占年元日却宜晴雪霽庭堦玉樹生把筆不堪隨鳳嘒
披裘猶欲問雞鳴年豐綵勝方先舞老至屠蘇最後傾
莫謂懷人嗟道路車書萬里正昇平

穀日立春

晴來元日過人日穀日還晴恰立春水旱傷農連歲歉
勾芒報稔一時新普天耒耨消兵氣匝地冰霜淨塞塵
呵凍拈鬚無不可餘生許作太平民

春仲祝東光張鍾良太夫人七十壽

南皮有白君爲我言張子潔身奉慈幃竭力事菽水太
學聚英賢從游皆善士高表托青雲駿足輕千里奕奕
彤管編琬琰良有以壽方稱古稀耄耄並福祉期願祝
萱花捧觴歌燕喜還將寸草心舞綵春暉裏

二月十四日西村

東坡集卷五
纔離西郭指煙林春淺寒飈拂面深近事都如前夜夢
兒嬉却似老時心書傳秘字堪誰問酒引天倪任自斟
料理鶯花須遣興東阡北陌待相尋

二十三日春分

不是風沙故擾春春光已半尚逡巡園中漫說花如錦
陌上虛傳草似茵酒麥苗須三寸雨撲窗紙溜十分塵
何曾九盡無冰凍未放青林柳葉新

三十日微雨

夜來纔洒霏微雨迨曉徒爲竟日陰見是長風吹海急
知誰布霧蔽天深春添病態惟高臥老減閒情莫苦吟

藉草開樽猶有待輕沾花柳在園林

三月八日清明仲弟之喪將及期矣詩以志慟

春深寒食似冬寒濁霧盲風入眼酸地接沉陰晴日少
人逢令節賞心難編籬嬾見花爲徑劬土愁思竹作竿
最是暮年情緒惡鴿原荆樹一枝殘

五月七日北園

園荒無客至鳥雀坐喧然長日留三徑清風值萬錢戎
葵花自艷側栢葉常偏太息騷人意哀湘楚俗傳

其二

蹴躡投何處憑欄亦自由麥秋黃熟鬱槐夏綠涼浮卷

東坡集卷五
三
綵時還得支藤意已休春來學圃地汲井試瓜疇

仲夏送邑宰黃緯真赴部改補詩并序

侯之蒞予邑也廉不言貧祇承歡以菽水勤猶力
學每吹愛於堦篔簹既以宜民四載撫摩之有效胡
為舍我一時攀挽之無從對梅雨之絲絲悵薰風
之冉冉調成下里共傳久後之思名列峴山永切
方來之願云爾

茂宰東方最有名翩然直道竟難行樽前莫解流連意
飯罷猶聞太息聲正遇清時新計吏何緣薄上儘深耕
誰知野老淒涼甚欲賦棠陰句不成

其二

扶筇自嘆痼難醫趨走徒嗟步屣遲更與何人消永日
只將底事付殘棋推乾就濕誠求處冒雪衝風賑救時
莫怪望塵皆洒淚窮民辛苦我公知

其三

輕衫坐對碧窗涼一樹菁葱蔭草堂展卷文瀾滄海氣
揮毫墨染岱雲香蕘言入耳時相接稽事關心夢不忘
猶有深思流化雨橋門東壁起文昌

其四

依依非是戀為官百口攜家去住難醉後袖中雙玉出

窮來囊底一錢看雲邊飛鳥三年近海上披裘五月寒
只此桐鄉如掌地歲時父老進椒盤

東村晚行

海畔天空見落暉流光真覺此生微棲鳥聒聒爭枝下
野燕忙忙掠食飛壠上鋤禾猶待雨場中晒麥已忘饑
墻東綠樹遙相引欲掩葦門傍晚歸

寄錢伯衡先生於博興學舍

平津對策晚封侯壯志寒壇片席酬白首橫經同輩在
青衫束帶少年遊諸生獻饌河魚美稚子行田稻蠡秋
欲續聯床風雨約清樽好爲故人留

六月十九日初伏壽杜湄村

清陰林下幾人同白髮相看兩病翁袒背垂簾消暑日
支頤就枕過涼風交遊南北馳驅外兒女晨昏笑語中
試向樽前歌一曲盎然春到醉顏紅

閏六月十五日立秋送賀孟循歸丹陽

高懷應不厭沉淪古道偏於野叟親作賦爭推竒字貴
呼盧自笑容囊貧名依召伯棠爲樹客久萊蕪甌有塵
好向清秋問稻蠡開樽還憶白頭人

十九日西村雨後

雨透涼生暑氣蠲披襟緩步午陰前堆空乍染雲爲石

東村集卷五
照影俄看水在天老子行歌當曠野農家起舞計豐年
也應禾黍如人意茂樹西風韻晚蟬

七月十六日東村

秋風白髮甚蕭騷往日蒼茫咲二毛歲月不堪輕棄擲
詩篇何敢附賢豪柴車秃蹇供遊興糲飯壺羹厭老饕
百事無能真賤骨此生端合置蓬蒿

七月十九日白露後一日行西村

秋清白露夜來占豆莢牽長雨後添匝地忙人還碌碌
彌天大事只纖纖愁生明鏡霜千縷夢破幽窗月一簾
農圃不辭辛苦意春梁剝棗有餘甜

重九次日初度次范仲亮韻

今年早却菊花秋九日雲垂雨未流是處霜林黃滿徑
誰家麥壠綠盈疇閒身遇物堪同賞老景隨天莫自謀
數卷殘書新意興晴窗點易問羲周

又次李孟知韻

六十七年彈指間秋風吹帽兩衰顏追尋夙夢推君健
坐理陳編共我閒菊遶東籬拈酒碧園開北郭踏苔斑
揮毫欲作凌雲賦矯首天門第一山

又次李子木韻

餘生雪塞老袁安檢點田園事幾端種秫無非供酒盞

釘梨亦是佐蔬盤承歡不禁萊衣舞對客何須竹籜冠
此日笑談寧易得驚心朋輩半凋殘

長至後六日寧陽周克輔年姪尊堂吳夫人八十一壽
憶昔金門侍筆硯寧章周子獨予善盤飧因知闡政修
雞鳴風雨交貧賤眼見萱花八十春巋然身作靈光殿
膝前令嗣舞斑衣徐進參苓咲爲嚙絳帳傳經賴兩賢
手握彤管製瑤篇近依岱雲瞻玉女家法孟母教三遷
不期閭里誇高貲自課僮奴種下田冰雪之餘吾老矣
白華古句奏賓筵

十月念五日往武定會願兩子從予車中有作

是日占冬日

諺云晴一冬
凌陰一冬温温和主歲寒浮煙晴欲出遠

樹引相看暮景悲車轍童心據馬鞍冰霜留皂帽何意
珥貂冠

其二

計節將長至爲時尚小春旭光開遠霽殘雪浥輕塵坐
睡虛憑枕扶傾軟藉裯粉榆來往舊驅遣白頭人

念六日早至武定北郊回途值雪

東北風吹雪回車拂面頻饑飛啄木鳥凍臥閉門人跼
踏隨天意艱難到病身何須悲遠道咫尺早迷津

其二

陰晴真不定變幻只須臾興與看梅異來因訪戴無遙
空憑颯颯側坐儘瞿瞿何處尋佳句飄蕭點白鬚

念七日晴歸至西村書舍

昨日寒何劇今朝依舊晴長林吹玉葉細路碾冰聲草
舍留書卷衰年念友生眼看凋落後松栢若爲名

其二

區區兩小子朗誦老夫詩歲月吾生過飢寒汝輩知乘
風須俟日映雪好從時慎勿誇裘馬庸愚不可醫

贈薛僑卿

壽世由來重國醫防於未病是吾師祇緣婚嫁牽多累

遂使糟糠苦莫支大雪葦門高臥日中秋涼月坐談時
立齋療治君能按教子聯翩到鳳池

贈邵時霖

媿我無才稱北地感君有道比東垣冬來白雪思鄉信
冷到青衫見酒樽只似長房懸藥肆還如梅福隱吳門
何時口授靈樞訣病骨薰然布被溫

輓新城秀揚李年伯

世情尚巧利先生獨用拙俗學率鹵莽先生深穿穴誰
云無師智自保固窮節磊落千載人百歲胸懷豁當其
培鋤時萬夫氣莫奪三旬廢食寢藜燃太乙接科名付

後賢寧必手自掇地既鄰鄒魯志必尊稷契范公讀書
堂憂樂悉曲折假使歌聖德鬼怪輩可絕太乙道固廣
方隅化枳橘市井酗呼來端坐鏗清瑟飢者急為糜石
菽傾筐出寒者急為衣綿襖帶未結以斯佐唐虞立見
溝瘠活宮觀須我修橋梁勿令缺奔走為號召垂老弗
停轍却思冬涉水兩股殷流血窮乏為貸金債累貧徹
骨水患邑相仍請救腸猶熱製棺屢不留青山厰素室
詎意考終時盛暑騰香潔檢曆示還期談笑豈驚怛遶
膝列三鳳蘭桂鬱森發忠宣紹文正康濟恢先烈床下
侍猶子遼海餘冰雪虛懷詢妙義儒釋旨同別偶舉東
坡翁遷逐嗜禪悅彈指二十年北風吹華髮再拜陳生
芻俯躬佩明哲

嘉平月十九日立春次仲亮韻

甲子重開宇宙新上元逼臘早逢春寒回岸柳晴枝動
信到江梅嫩蕊臻雪塞餘生還自慰東華舊夢向誰詢
也須料理田家具薄土深耕傍水濱

除夕

下元甲子盡癸亥紀年終日月飛雙翼乾坤轉一蓬殘
軀憑藥餌鬧市借兒童代謝羣生理雕鏤造化工無才
趨徑捷有命到途窮糞火茅簷暖椒花瓦盞雄青綾曾

東坡集卷五
三
薊北皂帽亦遼東菽水扶萱壽詩書守桂叢艱難心易
足契濶夢還通屈指追朋輩燈前幾病翁

甲子元日

守歲先除夜看春入上元吟詩新自喜好古晚彌敦獨
坐聞清磬窺雲步小園倘因麟鳳集一獻芻蕘言禮樂
羣儒議文章歷代尊升平時不偶潤色數非繁德讓威
儀秩心和律呂存波平清海徼浪暖溯河源旭日臨茅
舍和風認葦門謳歌餘野老扶杖引兒孫

人日穀日

人日風霾穀日陰飛沙走霧冷難禁人愁祇有窮相逼
穀貴先無麥可尋老去生涯休遠計春來景物莫長吟
農家占驗嗟荒歲四野蕭條暮色深

人日十四夜

立春元旦獨晴暖節次元宵甚作寒不放燈花乘夜出
故將月色被雲漫圍爐袖手尋常坐對酒高歌幾處歡
聞說天衢多勝賞六鰲駢鳳照長安

人日十五夜

雲開幸不虛良夜帶郭連城笑語同細數當時朋輩在
閒街緩步月明中殘編冷對芸窗白古刹虛懸佛火紅
誰頌河清新度曲吹成楊柳謝春風

詣於十六夜

此夜補還十四夜只如昨夜月猶圓白榆天上經誰種
玉斧雲中好共眠老眼不妨燈鬧熱童心最喜鼓喧闐
村歌社舞關何事負耒驅牛去墾田

閏三月念七日祝邑宰王子敬

九九消寒物候新普天共見上元春平分旭日還堪貴
自領清風未是貧乳雉啼鶯須次第尋花問柳尚逡巡
誰云海上蟠桃實喜雨千家祝大椿

景宗二月四日大風作雪

一分春色十分塵撲面黃沙最惱人只與狂風添氣勢
徒令曉日失精神殘書拋案還遮眼濁酒傾樽且入唇
播種及時殷望雨那堪雪霰集斯辰

清明後五日郊行

寒食清明相繼過出門纔見柳條青關心花鳥慵休問
拂面塵沙老慣經野曠窺雲行寂寂林深駐日坐冥冥
閒園待我舒遊興曳杖還能到草亭

柴門

殘編乾作蠹魚形底事辛勤抱一經老我何妨鬚盡白
看人只欲眼常青春寒乍得逢晴日地僻無由問使星
下顧柴門惟鳥雀知誰肯過子雲亭

三月十九日郊行次日立夏

節候催人自送迎短轅嘗傍綠陰行楊花絮落吹春晚
麥浪雲流入夏輕邈矣山河猶有夢迢然阡陌詎無情
同游年少今誰在看取兒童咲語聲

七月輓臬臺楊秋屏即次見貽原韻

功成貴竹地維坤秉憲初臨泰岱尊德器渾如金在冶
家聲久比玉從崑褰帷每擬春風近報札真同霽日溫
不意單寒摧大厦修文忽召返天門

其二

殷勤使者過茅居賦問屈原夏五餘只道躑臬遲野杖
誰知丹嶂促仙輿升沉宦態當時夢生死交情昨日書
爲報蓬瀛先太史不將徒步換乘車

八月念一日述夢

臣心似水久無波涼月空村認薜蘿豈計飛熊還入夢
祇憐老馬且行歌餘生諫草冰霜在舊絮衣痕涕淚多
誰道席前思賈誼堯天親見理雲和

臘月祝維揚樊子

維揚有俊人孝友推樊子交遊爲老親經年滯燕市几
杖思扶攜裘馬安足恃矍鑠六十翁壽筵歌燕喜壘篋
互和鳴舉觴還啟齒俯仰見滄桑邗溝衣帶水宰邑亦

東村集卷五
良圖鵬搏輕萬里曩志畫麒麟盈堦拖青紫盛事說昇
平我輩安田里莫謾誇長生通家叙孔李

念六日伾千叔舉子

吾家宗族舊薄田塢上東曾祖五兄弟首推方伯公詩
書昌世業吾祖勤所攻曾祖二處士厥後猶興隆吾父
長諸父積學光昭融顧子實不類哀然諸孫中行年六
十九曾孫森成叢吾母壽九十目明耳亦聰三曾祖之
孫伾千叔安窮賣却城市屋負耒耕蒿蓬久爲多女累
呱呱今得雄聞者無不喜加額稱天功单丁六十叟抱
子話由衷平生忘機械垂老狎兒童富貴不敢望祖德
期有終敝箱筆墨在瓦釜羹粥同出門望四遠晴霞標
海紅諸姊來相賀襁褓色笑通日月如雙翼來往隨飛
鴻汝至二十歲祝汝八十翁

除夕

今秋大無禾今夏大無麥冬深劇饑寒四野同蕭索日
月還侵尋時復到除夕回思水旱交螾螽恣吞齧嘉苗
踐爲泥園棗剝空核微雪一沾濡冰凌亘堆積乞食衆
嗷嗷對之面發赤賢也不黔寔聖也不煖席顧我但衰
殘寧救溝壑阨生理信艱難吾道疑逼窄持梁齒刺肥
雄哉躍馬客歲暮嘆浮雲墻陰看過隙

乙丑元旦

落齒禿髮翁吮墨弄柔翰歲序付逝波除夕如登岸新
我非昔人此日真元旦萬物各乘時雞聲呼夜半起視
老人星光連婺女燦况復逢立春晴霞標海畔歎後宜
豐年占兆從俗諺天下正昇平野老莫能贊藤杖徐相
扶屨敝不須換莫誇雪後松自嘆溝中斷爆竹任兒童
奔走來相喚閒坐把陳編圖說供欣玩

穀日

穀日晴如人日晴今年豐稔意分明窺冰一聽潛魚上
啄雪時看野鳥行老態扶攜隨杖屨田家粉飾到柴荆

縱然寒冷關春氣隴上驅牛問耦耕

十四夜

懸燈初試萬方同帝里春光想像中寶篆香焚朱案北
新聲曲奏御街東冰天桂海清無寐蔀屋茅簷照可通
垂老祇今扶杖在咲牽稚子訪村翁

十五夜

上元景物際昇平遠夢南州火底行皎月方中揚子渡
華燈萬點秣陵城蓮開寶樹隨鰲御舞徹霓裳按鳳笙
似有相如能獻賦凌雲吹作步虛聲

十六夜

元霄薄暮早雲深作雪還爲此夜陰把盞傾樽常寂寂
分光步影兩沉沉開稜蕤麥乘春種放蕊寒梅問遠林
兀坐也尋欣賞計古人佳句一長吟

二月七日西村閒步

閒身阡陌一相招指顧春光到板橋紅杏將開臨綠水
白雲乍起近青霄風吹語鳥林還靜日漾游絲凍自消
莫謂桃源無問處葦門早與隔塵囂

花朝

是日邑
點飢民

濃雲宿霧颯蕭蕭晨積雨花朝也悶人就枕黑甜聊自遣
圍爐白醉却無因披裘自覺侵肌冷乞食誰周餓腹貧

試聽嗷嗷聲振野來鴻去鴈欲分春

清明後一日郊行

好是青青麥隴時柔條摇曳綠楊枝天風吹水波文展
地氣蒸雲雨脚垂把盞殷勤田舍酒開囊冷落故人詩
荒村海上真空濶策蹇牽車意自遲

次劉子羽寄詩原韻

捐捐抱甕翁機智耻俯仰意與葛天游賢者莫能獎垂
老就寒壇諸生供饌養當其談經術咳唾孰敢強登高
時望鄉春雨津流廣斗酒藏在瓶對酌白髮兩開緘得
新句慰我平生想寧嘆知音希猶俟千秋賞

贈蘇黃中

茂宰絃歌奕代存還從學道溯淵源珪璋俎豆徵時泰
棟牖松雲仰聖尊梁木於今撐岱麓哲人自昔問崑崙
試看叢秀堦前玉餘慶端應聚德門

夏五月謁燕客公祖世兄於海豐相見悲喜遂成
俚句事竣還郡書以爲贈

白首門生在師恩五十年承家餘少子佐郡得高賢歷
下詩名舊司農治譜傳相逢真喜極語次輒潛然

其二

屈指懸弧日驚心塞外時殘形成糞土大業屬英姿善

氣迎人入清風靜自知營丘濰水近慟望峴山碑

其三

孤城當海上六月夏雲多吏散庭無訟禽飛署可羅勞
心推撫字試手理絃歌麥熟歡聲裏使君去若何

其四

勝說濟南境六飛近此遊華峰連泰岱躡突接瀛洲案
牘精時務圖書寄遠蒐莫忘雞黍意一爲野人留

中秋前再晤燕客公祖世兄於樂陵衙齋并寄問
雪客大世兄太原藩幕新任

屢借長才見重來念老身暄陽秋欲半浥潤露知勾爛

紫蒲萄熟殷紅黍粒新萊蕪猶有甌一笑未爲貧

其二

雅量勞奔走應無顧曲心通漕常數米攝邑又鳴琴頌
德聲猶歎懷人意自深涼颼吹素髮踏月此相尋

其三

舊路從無棣新除說晉陽長兄勤引翼幕職著才良右
輔股肱郡東方曼倩鄉窗前慙小草陸氏一枝荒

其四

逢迎看皂蓋旅謁指青衫仕道徐能適鄉書近易緘凌
風雙健翮假日一長鑱好古梁園客爲予問傅巖

傅山字青

主太原高士
見孫徵君集

庚子秋九月於房師櫟園先生因樹屋中始識白

嶽冠五吳先生乙丑八月初七夜樂陵公署再

晤慨然有作

萍踪聚散竟何因因因樹屋中憶劫塵遠塞一千七百里
餘生二十六年身蛩聲入耳驚秋夜好月當頭見故人
握手燈前如夢寐悲看霜髻對松筠

初十日雨中過海豐太宰楊夢山先生桃花嶺舊

趾嶺頭叢草一株土
人呼爲萬年松

山公引退正從容嶺上桃花想舊踪置產不營千樹橘

東坡集卷五
垂名自植萬年松
葵黃似欲衝雲薄
豆綠偏能受雨濃
秋水灌川矜鴈鷺
那知海若杳魚龍

十五夜有月

此夜中秋月光輝
雨後新修輪圓自
潤濯桂皎無塵不
碍關山遠何辭
咲語頻田家歡霽
色瓜菓雜然陳

十六夜無月

月似今宵滿
秋從昨夜分
明知懸絳闕
照欲出層雲
宿鳥深難見
鳴蟲冷易聞
不眠還側耳
怕擬禱晴文

壽姚泰麓

青州一都會
樂安實巖邑
姚侯游刃才
談笑無繁劇
惠

政遠流聞野老驚
揮劃問其何能然
家學傳宿昔太公
淳朴人官舍如過
客中丞撫西川門
第森檠戟驢背吟
梅花醉餘一按幘
似聆桐鄉歌遙指
蓬萊石安知成連
琴不近王喬
烏用世自勲名
養生視虛白何須
勾漏令乃卜神仙
宅慈父之父壽邑
人歡手額

丙寅仲春賀登州司馬魏蒼石卓異

君先任中翰

夔龍跡接薦賢書
司馬勲名徹玉除
橐筆初從丞相府
停軒每到野人廬
城邊共見遊馴雉
海上誰傳有大魚
展咲烟霞圖畫裏
仙家樓閣在清虛

送李玉書之任岳陽

東村集卷五
畫棟飛甍劫火餘仙人曾是好樓居高尋斷碣龍雷字
細寫新編鴈影書量濶自容雲夢水清知不羨武昌魚
山公啓事方延俊司馬干旄式隱廬

上巳送張西山還里

著書久欲付名山賦就遂初未可攀誰使蒼生安枕上
自將白髮問田間種松舊作龍形老步月新隨鶴影還
試向竹林尋屐齒拂衣真覺鳳城閒

年家眷同學弟新城王士禎校閱

東村集卷五

終

書